

242

1852

4-64

y-5 x13

1
5-64
4.

Մ. Տ. ԿԻԿԵՐՈՆԵԱՅ

ՂԵՂՒՈՍ

Կ Ա Մ

ՎԱՍՆ ԲԵՐԵԿԱՄՈՒԹԵԱՆ

Ա Ռ

Տ. ՊՈՄՊՈՆԻՈՍ ԱՏՏԻԿՈՍ

Թ Ա Ր Գ Մ Ա Ն Ե Ա Յ

Հ. ԵՓՐԵՄ ԶԵԳԻՃԻԱՆ

Ի ՄԽԻԹ. ՈՒԽՏԷՆ



Ի ՎԻԷՆԱ

Ի ՎԱՍՈ ՊԱՇՏՊԱՆ Ս. ԱՍՏՈՒԱԾԱԾՆԻ

1852 ՌՅԷ.

290

9316

Ի ԲԱՐԵՆՇԱՆ ԱՌՈՒՐ

ՈՒՐԱԽՈՒԹԵԱՆ

ՀԱՆԴԻՍԻ ՀԱՐՍԱՆԵԱՑ

ՔԵՂԵՏՈՂՄԵՒ ԵՐԵՆՈՒԵԿԵՆ

ՔՐԻՔՈՐԻԿ ՊԷՅԻ

ԵԼԼԵՀՎԻՐՏԵԱՆ

Ի ՆՂԱՆԱԿ

ԽՆԴԵԿՑՈՒԹԵԱՆ

Ը Ն Ծ Ա Յ Ի


ՈՒԽՏ ՄԽԻԹԵՐԵԱՆ

Ի Վ Ի Ի Ն Ն Ա





Չհրկապ քաղաքին զհիւ-
ստան քաղնուն, յայտա-
րար իմոյ ցնծակեց ուրախու-
թեան Բեզ, Բաշք, յղեմ :
Չհրկապն իմ գեղէս փո-
խանակ ընդ իմ սա Բեզ
բարբառեցի : -- Կացցե ան-
թարչամ յամայր ամն պսակն
բոլորածեւ, զոր պատար Բո
գազաթն ընդունի : Բաճա-
խեցին փառք Արամայ՝ ի յա-
ճախել Բոց ծննդոց, զոր եւ
մաղթե Ուխտս, Լինել Բեզ
ի Հաղարս եւ ի բերս :



167
41

1. Ջայնմ՝ պատմութեանն ասէ, զոր Հռոմայեցւոց պատանիքն զգենունին, յորժամ յէծ երորդ ամ հասակի հասանէին. քանզի մինչեւ ցայն տիս որդիք ազատացն զեզրածիրանին կրէին:

2. Սոկրատէս է պարն, զորմէ պատգէս ասէր հրաման պատասխանելոյ Ապողոնեայ:

Σοφός Σοφοκλῆς, σοφώτερος δ' ἔστι
 ρεπίδης
 Ἀνδρῶν δ' ἀπαντῶν Σωκράτης
 σοφώτατος.

Իմաստուն Սոփոկղէս, առաւել իմաստուն Եւրիպղէս,

Քան զամենայն մարդիկ Սոկրատէս իմաստնագոյն:

3. Աշակերտք Ստոյիկեան վարդապետութեանն բովանդակութիւն համօրէն բարութեանց զառաքինութիւնն գնէին. նմին իրի եւ ասէին իսկ եթէ որ զառաքինութեամբն դպցէ, ցանգ բարեւէն երջանիկ լինիցի, թէպէտ եւ յերկրաւոր բարութեանց թափուր իցէ:

4. Հռոմայեցւոց օրէնք զԽԲ ամեանքս հրամայէին կացուցանել բղէշիս. այլ Սկիպիոն ԼԶ ամաց զայն իշխանութիւն առ:

5. Չկարեղոնացւոց քաղաքն յԱփրիկեցւոց աշխարհին, եւ զԱլուանա տիս ի Սպանիացւոց աշխարհին:

6. Քանզի առանց ինչ խօթուութեան ի միում գիշերի ի կենաց պակասէր ամաց ԾԶ ից:

7. Պիւթագորաս եւ նորին աշակերտք զստորին կողմանս Խտաղացւոց աշխարհին՝ որ մեծ Յունաց աշխարհ կոչէր, ուր այժմ՝ Անպոլոսեցւոց աշխարհն կայ, հրահանգէին:

8. Չստոյիկեանցն կամի յայտ առնել, որք ասէին թէ իմաստունք միայն կարեն լինել առաքինիք:

9. Եմիլետոկղէս ապրիլենդացի է՝ Պիւթագորայ աշակերտ, զորմէ պատմէ Որատիոս այսպիսի ինչ, եթէ ցանկացեալ նորա ի համար գիցն խառնել, քարավէժ զանն ի վիճ Ետնայ բորբոքելոյ արար: Քանզի այնպիսի ինչ կարծիք էին առնին, եթէ՛ որ յանկարծակի չիք յաշաց լինիցի, ի բազմերան կեանս Ողիմպեայ ընդ դիսն վայելցէ: Որոք. վառ աբա. պոռ:

10. Որեստէս ուսար Ադամեմոնեայ վասն քինականիք հօրն մահուան լինելոյ՝ զիւր մայրն սպանանէր, եւ դէմ եղեալ տարագէմ ի Քերսոնեսոս Տաւրիացւոց գնայր: Անդ մինչդեռ կամէրն զԱնահտական պատկերն դռնանալ, անկանէր ի բուռն, եւ ի մահ ի թագաւորէն դատապարտէր: Այլ Պիղադէս նորին կարեւոր բարեկամ, վասն զնա ի մահուանէն թափելոյ, մատուցեալ ասէր ջրթագաւորն՝ որում չէր ծանօթ Որեստէս, թէ ինքն Որեստն իցէ, զի փոխանակ նորա մեռի: Վերք. Ենէ. Յճառ:

11. Քանզի Հռոմայեցիք amor զսէրն կոչեն եւ amicitia զբարեկամութիւնն:

12. Տարկուինոս Ամբարտաւան հուսկ յետին թագաւոր Հռոմայեցւոց, վասն իւրոց անազորունութեանցն ատելի ամենեցուն լինէր, եւ ի ձեռն բրուտեայ ի թագաւորութենէ մերժէր, եւ այնուհետեւ հիւպատոս փոխանակ թագաւորաց Հռոմայեցիքն կացուցանէին:

13. Կ. Գաբինոս եւ Կ. Կատոնոս առկապէտք օրէնս կարգէին զի ի հասարակաց խորհուրդս իւրաքանչիւր որ զիւր կարծիս ի տախտակս գրոշմեալ ցուցանիցէ խորհրդականաց, եւ որ ինչ ի խորհուրդս յայնոսիկ հաստատէին, անուանեալ կոչէին Օրէնք տախտակաց:

14. Կորիզանոս իրեւ տարագիր
ի հայրենի աշխարհէն լինէր, զՎաղա-
կացիսն ի մարտ պատերազմի ի վերայ
Հռոմայեցւոցն յարուցանէր: Նոցա
զօրօքն՝ որոց ինքն զօրաւար եկաց,
զՀռոմ՝ պաշարեաց եւ ի տաղնապի
զՀռոմայեցիսն կացոյց: Աղաչանօք
մօր նորա եւ կնոջն՝ զերծանէր քա-
ղաքն:

15. Թեմիստոկլէս յետ յաշխար-
հէն վտարելոյ, ձեռս ետ յԱրտաշէս
արքայ Պարսից՝ խնդրել ի նմանէ զօ-
րաւիգն օգնականութեան, զի զՀամո-
րէն Յունաց աշխարհ ընդ նորա ձե-
ռամբ նուաճիցէ: Այլ չեւ ձեռնա-
մուխ ի գործն եղեալ՝ ախար ջեռա-
նէր եւ մեռանէր ի նմին: Այսպէս
զսոյն ձեւ Թուկիդիտէս. բայց այլք
այլազունակս իմն պատմեն, եթէ ի-
րեւ ետես թէ չէ ատակ զօր խոտա-
ցուն կատարել, անձին արար:

16. Չիոմիզոս եւ զՌեմոս, զԵ-
գիստոս եւ զՊիսոս եւ զՎիրոս կամի
յայս առնել, որ ի հովուաց եւ յան-
դէորդաց սնան:

17. Նեպտոդեմոս՝ որ թարգմա-
նի Նոր մարտիկ, անուն յորջորջա-

նաց Պիւռեայ որդւոյ Աքիղեայ է,
քանզի ի տիեղծ հասակի ի Տրովա-
կան պատերազմն չըբաւ:

18. Ղիւկոմեդէս թագաւոր էր
Սկիրացւոց, որում զԱքիղէս՝ մայր
նորին ետ պահել ի հանդերձս կա-
նացիս, զի մի ի Տրովական պատե-
րազմն զնսցցէ:

19. Տիմոն աթենացի թշնամի հա-
մարէն մարդկութեանն էր, եւ չիտէր
ընդ ումք, նմին իրի խիկ Μισόγ-
θροπος Ղիւկոմեդէս անուանէր, որ
թարգմանի հայերէն Կարգատեաց:

20. Արքիտ տարեկնացի անդառն
ի Պիւթագորայցն փիլիսոփոս, օ-
րէնադիր եւ յանձանձիւ իւրոյ աշ-
խարհին եղեւ:

21. Անդրիացին, այս ինքն կին մի
յԱնդրոս կղզւոյ, խաղ է ի դուսա-
նական խաղուցն Տերեստեայ:

22. Չօրական սնապարծ եւ անձն-
զով՝ զԹրաստոսէ ասէ, զոր Տերես-
տիոս յիւրում խաղուն ընծայեցոյց:
Քանզի ցանդ զմեծամեծ ինչ իրաց՝
զորս չէրն գործեալ՝ բարբառէր, եւ
զնոսս միայն իւր բարեկամ համա-
րէր՝ որ զնա յարգեալ զովէին:



Մ. Տ. ԿԻԿԵՐՈՆԵՆՅԱՆ


ՂԵՂԻՍ

Կ Ա Մ

ՎԼՍՆ ԲԵՐԵԿԵՄՈՒԹԵՆՆ

Ա Ռ

Տ. ՊՈՄՊՈՆԻՍՍ ԵՏՏԻԿՈՍ



ՎՊՈՒՆՏՈՍ ՄՈՒԼԻՍՍ ՀԱԼԱՊԷՍ ԲԱՊՈԼԻ ԻՆԷ ՂՎ. ՂԵՂԵՅ ՂԵԼՐԹԷ աներոյն քաղցր եւ հեշտական բանիւք սովոր էր պատմել, եւ ոչ զանգաղէր յամենայն խօսս իմաստուն զնա անուանել: ԵՂԼ զնա այնպէս յանձն արար հայր իմ առ Սկեւողա, յորժամ զառնացի պատուածանն առի¹, զի որչափ ձեռնհաս իցեմ, եւ պատուած իցէ, չհեռանայցեմ ամենեւին ի ծերոյն: Նմին իրի բազում ինչ ի նորա ճառիցն՝ զոր մեծաւ իմաստութեամբ բարբառէր, եւ ի բանիցն՝ զոր զխպողադոյնս եւ կարճառօտս ասէր, ժողովեալ պահէի ի մօր իմում, եւ ջանայի իսկ մեծաւ փութով եւ հողաբարձութեամբ տեղեկագոյն նորա իմաստութեամբն լինել: Իբրեւ նա մեռանէր, յարուցեալ զնացի առ Սկեւողա քրմապետ, զորմէ իշխեմ ասել թէ դեր ի վերոյ քան զամենայն քաղաքացիսն իւրովն հանճարովն եւ արդարութեամբն է: ԵՂԼ զամանէ յայլում ժամու ասասցուք, աւն առ այժմ առ հալապէտ անդր դարձցուք:

Որպէս բազում անգամ զբաղում ինչ գործս նորա յիշեմ, նոյնպէս եւ այս եւս յուշ լինի ինձ, եթէ մինչդեռ բազմեալ էր նա ի տան ըստ իւրում սովորութեան ի սրա


Հի խորհրդեանն, յորժամ եւ ես ընդ նմա էի, եւ սակաւք եւս ի մերձաւոր բարեկամացն, յայն բան եկն որ յայնժամ գրեթէ յամենեցունց բերանս կայր: Վանդի յիշես, Ատաիկէ, զի կարի ընտանի էիր Պ. Սուղպիկեայ (որ մինչ աւակապեան էր, սաստիկ հակառակութեամբ էր ընդ Ս. Պոմպէի՝ որ բռնաշին կացեալ էր ի ժամանակին, ընդ որում երբեմն կարի ընտանութեամբ եւ սիրով էր,) թէ որչափ ինչ զարմանք յայնժամ մարդկանն էին, եւ քանի՞ն տրտունջքն:

Սասն որոյ Սկեւողա իբրեւ զայս յիշեաց, եղ մեզ առաջի զխօսան Ղեղեայ՝ զորս ընդ նմա եւ ընդ միւսում փեսայի իւրում Պ. Փաննեայ որդւոյ Մարկոսի Փաննեայ վասն բարեկամութեանն խօսեցեալ էր յետ սակաւ ինչ աւուրց Նփրիկանեայ մեռանելոյ: Օվճիոս նորա ճառիցն կարայ ի մտի, զորս ըստ պայմանի խնոց բանից յարգաբեալ, կարդեալ եղի ի մատենիս յայսմիկ: Վանդի նոցին իսկ ետու բարբառել, զի մի յաճախադոյնս երկրորդիցեմ թէ Ասացի կամ Ասաց, եւ որպէս թէ նոցին մօտ հասեալ խօսիցին առաջի:

Եւ քանզի յաճախ խնդրեցեր յինէն, զի զբարեկամութենէ գրիցեմ ինչ, արդարեւ արժանաւոր ամենեցուն գիտութեան եւ մերում մերձաւորական ընտանութեան ինձ իրքն թուեցան: Ղափն իրի իսկ յօժարադոյնս եւ կամակարադոյնս զնոյն արարի, զի քո խնդրուածովք եւ բազմաց եւս յօգուտ եւ ի շահ լինիցիմ: Այլ որպէս ի Սատոն երէց՝ որ է գրեալ առ քեզ զծերութենէ, զՍատոն ածի կացուցի ի մէջ, զի զծերութենէ ճառիցէ. քանզի չերեւէր որ քան զնա պատշաճադոյն զայնմ տիոց ճառելոյ. որ բազում ժամանակս ի հասակի ծերութեան եկաց, եւ ի նմին առաւել քան զայլսն ծաղկեալ պայծառացաւ. նոյնպէս, քանզի ուսաք ի հարց եւ ի հաւուց մերոց եթէ Պ. Ղեղեայ եւ Պ. Սկիպիոնեայ ընտանութիւնն կարի իսկ արժանի յիշատակաց իցէ, պատշաճադոյն ինձ Ղեղիոս թուեցաւ, զի խօսիցի զբարեկամութենէ զայն ինչ զորմէ յիշատակէ Սկեւողա թէ խօսեցաւ նա: Այս ազգ բանից՝ որ հաստատեալ ի ճոխութիւն նախնեաց է, աւելի իմն զօրութիւն ունի. վասն որոյ եւ ես մինչ զիմ իսկ ճառս ընթեռնուցում, այնպէս իմն երբեմն

միտքս յուզին, զի համարիմ թէ ոչ ես ինչ, այլ ինքն իսկ Աստուն բարբառիցի:

Այլ որպէս յայնժամ առ ծերդ ծերս զծերութենէ զբեցի, նոյնպէս եւ ի սմին մատենի առ բարեկամդ բարեկամս զբարեկամութենէ զբեմ: Յայնժամ Աստուն ճառարկեալ խօսեցաւ, քան զոր զբեթէ չէր ոք ծերագոյն եւ իմաստնագոյն ընդ այն ժամանակս. այժմ Ղեղի՝ որ ոչ միայն իմաստուն է, որպէս եւ համարեցաւն իսկ, այլ եւ բարեկամութեան փառօքն պայծառագոյն, զբարեկամութենէ ճառէ: Ամիմ զի դու վայրիկ մի զմիտսդ յինէն ի բաց դարձուցանիցես, եւ համարիցիս եթէ ինքն իսկ Ղեղի խօսիցի: Գ. Փաննիոս եւ Ս. Սուկիոս եկին առ աներն իւրեանց յետ Ափրիկանեայ մեռանելոյ. սորա սկիզբն առնեն բանին, տայ պատասխանի Ղեղիոս, որոյ ողջոյն իսկ բանքն զբարեկամութենէ են. զոր յորժամ ընթեռնուցուս, անձամբ յանձնէ զչափ անձին քո առնուցուս:



ՓԱՆՆԻՈՍ. Արդարեւ այդ այդպէս է, Ղեղի, քանզի չեղեւ ոք ուրեք ազնուագոյն եւ պայծառագոյն քան զԱփրիկանոս: Բայց սակայն պարտ եւ պատշաճ է քեզ համարել այնպէս, եթէ ամենեցուն աչք ի քեզ հաստատեալ իցեն, զքեզ միայն իմաստուն անուանեն, եւ համարին իսկ այնպէս: Օչ այս անուն Աստունի երիցու միայն ետուն. գիտեմք իսկ քաջ եթէ եւ զՂ. Ատիղիոս հարքն մեր իմաստուն անուանէին. այլ զերկոսին եւս այլազգագոյն օրինակօք: Օ՛Ատիղիոս վասն այնորիկ՝ զի կարծէր իմն թէ ի քաղաքային իրաւունս իմաստուն իցէ. իսկ զԱստուն յայն սակս, զի բազում ինչ իրաց տեղեակ էր այրն, եւ զի ի ծերակուտին եւ ի հրապարակս բազում եւ ազգի ազգի իրս գուշակեալ էր, կամ մեծաւ հաստատութեամբ եւ պնդութեամբ ի գլուխ հանեալ, եւ կամ անհնարին կորովութեամբ արարեալ պատասխանի: Ամին իրի իսկ զիմաստունն անուն իբրեւ յորջորջանս իմն ի ծերութեանն ժամանակի յանձին իւրում բարձեալ բերէր: Այլ դու այլով իմն օրինակաւ իմաստուն իցես. ոչ հանճարով միայն եւ բարոյիւք, այլ եւ ուսմամբն եւ գիտութեամբ:

Եւ ոչ հանդոյն խառնադանձ ռամկին, այլ որպէս գրա-
դէտքն եւ բազմահմուտք իմաստուն զքիզ անուանեն, որ-
պէս զի չեցէ որ այնպիսի ի համօրէն Յունաց աշխարհին .
զի որ զայսպիսի ինչ իրս բազում հաւաստեաւ խնդրիցեն,
զանուանեալ եւթն իմաստունսն ոչ ի թիւ ի համար
իմաստնոցն խառնեն:


Իւեալ իսկ եւթ եթէ մի դք եւեթ լեալ իցէ յԱթե-
նացւոց քաղաքի, որ եւ Ապողոնեայ եւս պատգամօքն ի-
մաստուն քան զամենայն մարդիկ համարեալ իցէ²: Ոչոյն
իմաստութիւն համարին թէ իցէ ի քեղ. զի զամենայն ինչ
որ քեզն պատշաճ իցէ, յանձին քում գտանես, եւ զպա-
տահարան մարդկեղէնս չնչին եւ խոտան քան զառաքինու-
թիւն համարիս³: Այսն որոյ խնդրեն իմն յինէն, եւ որ-
պէս ինձ թուի եւ ի Ալեւողայ եւս, թէ զհարդ Ափրիկա-
նեայ մահուանն տանիցիս. եւ առաւել վասն այնորիկ զի
ի մօտաւոր Ինուննս յորժամ ի Պ. Բրուտեայ հաւադի-
տի բուրաստանն եկաք ըստ սովորութեան, վասն զիրաց
ինչ խորհելոյ, դու չէիր անդ, որ սովորն էիր գալ անդր
հանապազ, եւ զնոյն գործ մճարել :

ՍԿԵՒՈՂԱՅ. Հարցանել հարցանեն բաղումք, Գ. Պ. Է. զի, որպէս Փաննիրոս ասաց. այլ ես զայն ինչ զոր ի միտ առի, տամ պատասխանի, թէ դու ցաւոյն՝ որում մահ առնն երեւելոյ եւ քո բարեկամի պատճառք եղեն, չափով իմն եւ զգաստութեամբ լինիցիս ժուժկալ. (քանզի եւ չէր իսկ մարթ չխանդաղատել ընդ այն, զի եւ ոչ այն քո մարդասիրութեան էր.) եւ ոչ առ տրտաւմութեան ինչ չեկիր ի մեր ժողովն, այլ վասն խօթում թեանն:

ՂԵՂԻՍ ԼճՊԱՐԵԼ յԻՐԱԼԻ ԻՍԿ, ՍԿԵԼՈՂԱ, ՃԶՄԱՐԱՌԱԼ
ԹԵԱՄԲ ասես. քանզի չէ իսկ ի դէպ վասն կորստեան ինչ
իրիք՝ որ ինձ եհաս, ի պատշաճ պարտուցն պակասեալ
դասնել, զոր բազում հոգաբարձու թեամբ վճարէի մինչ
դեռ ողջն իսկ էր. եւ թուի ինձ թէ չէ մարթ առն հաս-
տասնոյ զիպօք ինչ զիպելովք դադարել եւ կասել յիւ-
րոյ պաշտամանոյ:

Այլ դու, Փաննիէ, որ ասեան թէ այնչափ մեծամեծար պատուով զիս մեծարիցեն, որչափ ես չճանաչեմ ինչ եւ չինդրեմ իսկ, գործ բարեկամութեան գործես. բայց

սակայն ինձ այսպէս թուի, եթէ ոչ ուղղագոյն ինչ
զՎատոնէ խորհիցիս: Օ՛ր կամ չեղեւ որ խնաստուն եր-
բեք, որ ինձ առաւել հաւանութեան թուի, եւ կամ
թէ եղեւ որ ուրեք, սա իսկ է: Քանզի զեարդ, թող
զայլսն, ժուժեաց տարաւ նա մահուան որդեկին: Յուշ
ածեմ զՎաւղոս, եւ զՎաղղոս քաջ գիտեմ. այլ սոցա
որդիքն ի տխրեղծութեան եւ ի մատաղական տիս հասա-
կի, իսկ Վատոնի որդի՝ այր կատարեալ եւ պատուական
էր: Ոյր վասն զգոյշ լեր, մի մեծարոյ զոք քան զՎատոն
համարիցիս. նա եւ ոչ զնա եւս՝ զոր Վպողոն, որպէս դուդ
ասես, քան զամենայն մարդիկ խնաստնագոյն դատեցաւ.
քանզի սորա գործքն, այլ նորա բանքն եւեթ մեծարեալ
գովին:



Բայց դուք, քանզի եւ երկոցունց եւս խօսել կամիմ,
զինէն այսպիսի ինչ ածէք զմտաւ:


Եւ եթէ յուրաստ ինչ լինիցիմ եւ ասիցեմ, թէ չյու-
զիմ անձկովն Ակիպիոնեայ, տեսանիցեն խնաստունքն թէ
քանինն ճշմարտութեամբ զայն առնեմ. այլ արդարեւ
սուտ խօսիցիմ: Քանզի յուզիմ եւ շարժիմ վասն յայն-
պիսի բարեկամէ զըկելոյ, որում, որպէս կարծեմն, չլինիցի
որ նմանագոյն. եւ մարթ իսկ է ասել հաստատութեամբ,
թէ եւ եղեւ իսկ ոչ երբեք: Բայց սակայն ոչ դարմանովք
ինչ կարօտանամ, անձամբ զանձն սփոփեմ, եւ առաւել
այնու իմն մխիթարութեամբ, զի չունիմ զայն մոլորու-
թիւն՝ որով բազումք ի մեռանել բարեկամացն նեղեալ
տաղնապին. զի համարիմ իսկ այնպէս թէ ոչ չարիք ինչ
հասեալ իցեն Ակիպիոնեայ. եւ եթէ եհաս եւս ինչ
ինձ եհաս: Եւ վասն իւրոց վշտացն սաստիկ տա-
ռապել ոչ եթէ ի կարի զբարեկամն սիրելոյ լինիցի, այլ
առ ի բազում գութ ընդ իւր անձնն ունելոյ:

Եւ արդ ո՞ր չառնուցու յանձն թէ բազում փա-
ռաւորութիւն էր առնն: Քանզի բաց յանմահութենէն՝
որում եւ ցանկայր իսկ ոչ, ի՞մ իմիք չեհաս նա՝ ուրում
ի դէպ եւ վայելուչ իցէ մարդկան ցանկանալ: Որ զմեծ
յոյս ակնկալութեան իւրոց տոհմային քաղաքացեացն՝

զոր անդատին ի մանկութենէ նորա զնմանէն ունէին, ան-
ցուցանէր զանցուցանէր իւրովն հանապազորդ եւ չհաւա-
տայի առաքինութեամբն: Չեղեւ հետամուտ բզեշխու-
թեան, սակայն երկիցս բզեշխ եկաց. զառաջինն վաղ
ուրեմն քան զժամանակն⁴. եւ երկրորդ անգամ յիւրում
խակ ժամանակի վասն իւր, այլ վասն ընկերհաշտութեանն
անազան ուրեմն: Որ զերկոսին քաղաքսն⁵ զանհարին
թշնամիս պետութեանս այսորիկ ի հիմանց բրեալ, ոչ
զմտաւոր մարտս պատերազմաց միայն, այլ եւ զհան-
դերձեալն եւս բարձ ի միջոյ: Օրէնչ զմեղմական բա-
րուցն ասիցեմ, զորնչ զճերմուռանդն սիրոյ զոր առ մայրն
ունէր, եւ կամ զորնչ ինչ զմարդասէր խնամոցն զոր առ
քորսն ցուցանէր, կամ զընդերական բարեկամութենէն՝
որով ընդ իւրսն վարէր, եւ կամ զարդարութենէն առ
ամենայն ոք: Այս ամենայն յայտնի եւ ծանօթաւոր ձեզ
են: Այլ թէ որչափ ինչ սիրելի եւ ցանկալի քաղաքին
էր, յայտ ի տրտմութենէն եղեւ՝ որ պատեալ էր զամե-
նեքումբք ի ժամանակի յուղարկաւորութեան նորա: Իսկ
արդ զորնչ ինչ շահս կարէր նմին դործել սակաւ ամացն
յաւելլուած: Հասակ հինօրեայ ծերութեան թէպէտ եւ
ծանրատաղտուկ եւ դժնդակ չեցէ, որպէս յիշեմ իսկ թէ
Աստոն միով ամաւ յառաջ քան զմեռանելն՝ ընդ իս եւ
ընդ Սկիպիոնեայ խօսեցաւ, բայց սակայն բառնայ
զայն դալարութիւն եւ զվայելչութիւն՝ յորում յայն-
ժամ դեռ եւս կայր Սկիպիոն:

Ասան որոյ այնպիսի ինչ ի կեանս նորա բախան եւ
փառք եղեն, զի չէ մարթ յաւելլուլ ինչ ի նոսա. այլ
երազութիւնն չեա թոյլ զգալ մահուն: Այս ազգ
մահու դժուարին առ ասել է. տեսանես ապաքէն եթէ
զինչ կարծեցին մարդիկն: Բայց սակայն զայս ինչ ի դէպ
եւ պատշաճ է ասել ճշմարտութեամբ, եթէ Պ. Սկիպիո-
նեայ՝ ի բազում աւուրց կենաց իւրոց՝ որ նմա մեծապայ-
ծառ փառաց եւ ցնծալից ուրախութեան պատճառք եւ
զեն, այն օր առաւել պայծառադոյն լեալ իցէ, յորում
յետ ծերակուտին արձակելոյ ածաւ ի տուն ընդ երեկս, ի
խորհրդականացն եւ ի ժողովրդենէն Հռոմայ եւ ի նիդա-
կալցացն եւ ի Վատինացւոց միով աւուրք յառաջ քան
զմեռանելն⁶. զի թուի իմն եթէ յաստիճանէ անտի այն-

պիսի մեծապատիւ փառաւորութեանն առ զիս մանաւանդ եւ ոչ ի տանգարամետս գնացեալ իցէ: Քանզի չեմ ինչ հաճեալ եւ հաւանեալ նոցա, որ ի սակաւ ժամանակաց հետէ առին ասել թէ ընդ մարմնոյ եւ ոգիքն կորնչին, եւ ամենայն ինչ մահուամբն բառնին ի միջոյ:




Արի մեծարոյ համարիմ ես զհնոցն ճոխութիւն եւ կամ զմերոց նախնեաց, որ զմեռեալսն այնչափ նուիրական պաշտամամբք յուղարկաւորութեան պատուեն. զոր չառնէին իսկ, եթէ համարէին թէ չունիցին ինչ ընդ նոսա հաղորդութիւն իրքն. կամ զնոցայն որ ի սմին աշխարհի բնակեցին, եւ զմեծ հունաց աշխարհ՝ որ այժմ անկաւ ի փառացն, յորժամ յիւրում փառաւորութեանն էր, ազգի ազգի խրատուք եւ հրահանգօք պատուիրանացն տեղեակ եւ հմուտ գործէին⁷. եւ կամ զայնր՝ որ պատգամօք Ապողոնեայ զից՝ քան զամենայն մարդիկ իմաստուն համարեցաւ, որ ոչ եթէ հանգոյն բազմաց ի մարդկանէ մերթ զայս ինչ եւ մերթ զայն ասէր, այլ ցանդ իսկ եւ հանապազ զնոյն բան երկրորդէր՝ թէ ոգիք մարդկան աստուածեղէնք իցեն, եւ յորժամ ի մարմնոցն մեկնեալ բաժանիցին, յերկինս դառնայցեն, որ լաւացն եւ արդարոց կարի իսկ յոյժ դիւրագոյն զիպիցի:

Այս եւ Սկիպիոնեայ եւս այսպէս թուէր, որ սակաւաւորքք յառաջ քան զմեռանելն, յորժամ Փիղոս եւ Մանիղիոս եւ այլ եւս բազումք մօտ էին, մինչ եւ դու եւս, Սկեռոզա, ընդ իս անդր եկիր, որպէս թէ յառաջագոյն իմացեալ էր, զերիս աւուրս զընկերհաշտութենէ ճառ արկեալ խօսեցաւ, որոյ հուսկ յետին բանքն գրեթէ զողօցն անմահութենէ էին, զորոց ասէր եթէ յանուրջս Մփրիկանեայ լուայ: Եթէ այս այսպէս իցէ, զի լաւացն ոգիք դիւրագոյնս թռանիցին ի մահուանն, իբրեւ ի բանտէ եւ ի կապանաց մարմնոյ, զո՞րք մարթ իցէ մեղ համարել՝ որ քան զՍկիպիոն դիւրագոյն առ զիս գնացեալ իցէ: Ասան որոյ կասկածեմ ընդ այնպիսի ինչ՝ որ նմին գէպ եղեւ, արտմել եւ տխրել, զի մի առաւել նախանձոտի՝ քան բարեկամի գործ լինիցի: Իսկ

եթէ ճշմարիտ եւս իցէ եթէ նոյն եւ միօրինակ կորըստեամբ ոգիքն եւ մարմինք կորնչեցին, եւ ազդումն ինչ այնուհետեւ չմնայցէ, յայտ իսկ է թէ որպէս բարի ինչ ի մահուան չգտանի, նոյնպէս եւ ոչ չար ինչ ի նմին գտանիցի: Քանզի յորժամ ազդումն կորնչիցի, ընդ այն համար է որպէս թէ եւ ծնեալ իսկ չիցէ. բայց սակայն ցնծամք մեք թէ ծնաւ նա, եւ քաղաքս եւս այս, որչափ եւ կայցէ մնայցէ՝ ընդ այն զուարթացեալ զուարճանայցէ: Յայն սակս, որպէս կանխադոյն ասացի, բարիք իսկ այն նմին եղեւ, այլ ինձ կարի ծանր եւ դժնդակագոյն. քանզի արժան իսկ էր, զի որպէս ես յառաջագոյն ի կեանս մտի, նոյնպէս եւ յառաջագոյն ելանիցեմ: Բայց սակայն յիշատակաւ մերոյ բարեկամութեանս այնպէս իմն ուրախ լինիմ, մինչեւ թուի ինձ եթէ երանելի կեանս կեցեալ իցեմ, զի ընդ Ակիպիոնեաց կեցի. ընդ նմին զհասարակաց եւ զառտնին իրս վճարեցի, ընդ նմա ի խաղաղութեանն էի, եւ ընդ նմին ի պատերազմի. նա եւ այն եւս՝ յորում ողջոյն իսկ բարեկամութեանն զօրութիւն հաստատեալ կայ, կամաց եւ յօժարութեան եւ խորհրդոց կատարեալ միաբանութիւն ընդ միմեանս ունէաք: Այր վասն ոչ այնչափ համբաւն այն իմոյ խմատութեանն, մանաւանդ թէ սուտ համբաւն, զոր արդ եւս Փաննիոս յիշեաց, ուրախ զիս առնիցէ, որչափ այն, զի ակն ունիմ յուսալից եթէ յիշատակ մերոյ բարեկամութեանն մշտնջենակաց լինիցի: Աւ այն եւս ինձ կարի հեշտական է, զի ի համօրէն դարս երեք կամ չորք բարեկամութիւնք ամին նմանագոյնք հաղիւ թէ գտանիցին. եւ թուի ինձ եթէ Ակիպիոնեաց եւ Վեդեաց բարեկամութիւնն ի նոցին սակի յեանոցն ծանօթ լինիցի:

ՓԱՆՆԻՍ. Երբարեւ, Վեդե, հարկ է թէ այդ այդպէս իցէ. այլ քանզի զբարեկամութենէ յուշ արարեր, եւ դատարկ իսկ եմք, զործ մի կարի հաճոյական ինձ առնիցես, թուի ինձ թէ եւ Ակեւոզայ եւս, եթէ, որպէս սովոր իսկ ես զայլոց իրաց, յորժամ ի քէն խնդրիցին՝ խօսել, սոյնպէս եւ զբարեկամութենէ խօսիցիս, եւ յայտ արարեալ ցուցանիցես եթէ զինչ զայնմանէ կարծիցես, եւ որպիսի ինչ զայն հաշուիցիս, եւ զինչ պատուէրս վասն նորին տայցես:

ՍԿԵՒՈՂԱ. Եւ ինձ եւս կարի հաճոյ լինիցի. եւ յոր-
ժամ ընդ քեզ զայնմանէ կամէի խօսել, Փաննիոս կան-
խեաց քան զիս. վասն որոյ երկոցունցս եւս հաճոյական
ինչ առնիցես:



ՂԵՂԻ. Բազում յօժարութեամբ եւ ախորժիւք
զայնմանէ խօսէի, եթէ բաւական այնմ զանձն համարէի.
մանաւանդ զի եւ իրքն՝ որ առաջի կան, կարի զարմանալիք
են, եւ եմք իսկ, որպէս Փաննիոս ասաց, դատարկ եւ ան-
գործ: Ե՛յլ ո՞ իցեմ ես, կամ զինչ իցէ կար զօրու-
թեան իմոյ: Իմաստնոց եւ գիտնոց միայն սովորութիւն է,
եւ մանաւանդ խնաստնոցն Յունաց, զի առաջի զնիցի նո-
ցա ինչ՝ զորմէ ճառ արկեալ խօսիցին, թէպէտ ափ յափոյ
վաղվազակի: Ե՛յս գործ մեծ է, եւ կարօտ բազում հրա-
հանգօք: Սկսան որոյ ինձ այսպէս թուի եթէ զոր զբարե-
կամութենէ ճառել մարթ իցէ, ի նոցանէ՝ որ զայնպիսին
գիտել խոստանայցեն, պարտ եւ պատշաճ է ձեզ խըն-
դրել: Ե՛յլ ես թելադիր եւեթ լինել ձեզ կարող եմ,
զի զբարեկամութիւնն նախամեծար քան զամենայն իրս
մարդկօրէնս համարիցիք: Քանզի չեք ինչ այնպէս պի-
տանացու՝ բնութեանն, եւ այնչափ պատշաճագոյն ամե-
նայն իրաց, թէպէտ աջող իցեն թէպէտ ձախող:

Սակայն թուի ինձ նախ՝ թէ չէ մարթ բարեկամու-
թեանն լինել՝ բայց ի լաւան եւեթ: Ոչ ճշգրիտ ինչ զայն-
մանէ ասիցեմ, հանգոյն նոցա՝ որ բազում նուրբ բանիւք
զայնմանէն ճառիցեն. թերեւս ճշմարիտ նոցա բանքն ի-
ցեն, սակայն դոյզն ինչ եւ փոքր առ ի շահ օգտութեան
հասարակաց: Քանզի չառնուն յանձն եթէ մարթ իցէ
ուրմք առանց խնաստութեան վարս լաւութեան ունել⁸:
Եւ ես իսկ կամիմ զի այդ ճշմարիտ իցէ: Ե՛յլ զայնմ
խնաստութենէ յայտ առնեն, որում չեւ եւս տակաւին
եհաս որ ի մարդկանէ: Իսկ մեզ յայնս՝ որ ի պիտանու-
թեան եւ ի հասարակաց կեանս մարդկան իցեն, եւ ոչ ի
նոսին որ հնարեալքն եւ կամ տենչականք իցեն, պարտ
եւ պատշաճ է ուշ եղեալ հայել: Չասեմ ինչ թէ
Կ. Փաբրիկոս եւ Մ. Աուրիոս եւ Տի. Աորունկան՝ զորս

նախնիքն մեր խմաստունն հաշուէին, ըստ նոցա մտացն իմաստունք իցեն: Ասան որոյ իւրեանց անձանց պահեսցեն զնախանձելի եւ զմթին անուն խմաստութեանն. զայն միայն առնուցուն յանձն մեզ շնորհել, թէ մեր նախնիքն արք լաւք լեալ իցեն: Սակայն չառնուն եւ զայն յանձն. քանզի խմաստնոց միայն, ասեն, մարթ է զայն շնորհել:

Եւ արդ թանձրագոյնս բարբառեսցուք, որպէս ասենն:

Որ այնպէսն վարիցին եւ այնպիսի կեանս կեցցեն, զի իւրեանց հաւատարմութիւնն եւ անարատութիւն եւ արդարութիւն եւ առատամիտ բարքն երեւիցին, եւ ազատ ամենեւին ի ցանկութեանց եւ ի ժպրհութենէ իցեն, եւ ունիցին բազում հաստատութիւն պնդութեան, որպիսիք որք նոքա զորս յիշեցաքն էին, զարսն զայնոսիկ լաւս, որպէս եւ եղենն իսկ, նոյնպէս եւ արժանիս անուանելոյ համարեսցուք: Քանզի ի կիրթ անկեալ երթան ըստ մարդկան կարի զհետ բնութեանն, որ առաջնորդ անուագոյն բարեղք կեանս վարելոյ է: Եւ ինձ այսպէս թուի, եթէ յայն սակա ծնեալ իցեմք, զի յամենեցունց միջի հաղորդութիւն ինչ ընկերութեան լինիցի, որ այնչափ յաճախագոյն լինիցի, որչափ աւելագոյն մերձաւորութիւնն իցէ: Ասին իրի իսկ քաղաքացիքն քան զպանդուխտս, եւ բնտանիքն քան զօտարոտիսն աւելագոյն հաղորդք միմեանց գտանին: Քանզի զբարեկամութիւնն՝ զոր ընդ սոսա ունիմք, բնութիւնն ինքնին ծնանի. այլ այն չունի ինչ կայ եւ հաստատութիւն. քանզի այնու իմն բարեկամութիւնն քան զազգականութիւն առաւել գտանի, զի յազգականութեանն մարթ է զգութն ի բաց թողուլ, այլ ի բարեկամութեանն չէ մարթ, չէ հնար: Օ՛հ եթէ զութն եւ ինամք ի բաց ի միջոյ բարձցին, բարեկամութեանն անուն ջնջեալ կորրնչի, այլ ազգականութեանն կայ մնայ տակաւին: Ետքստին մարթ է ի միտ առեալ ճանաչել թէ քանի՞ն ինչ զօրութիւն բարեկամութիւնն ունիցի, զի ի բազում միաբանութեանցն մարդկան՝ զորս ինքնին բնութիւնն կարգեաց եղ, այնպէս իմն ամփոփեցան իրքն եւ անձկագոյն եղեն, զի ամենայն սէր եւ գութ կամ յերկուց եւ կամ ի սակաւաւորաց միջի խառնեսցի:




Իսկ բարեկամութիւնն ոչ այլ ինչ է, բայց ամենայն աստուածեղէն եւ մարդեղէն իրաց մեծաւ իմն խնամով եւ սեռն սիրով միաբանութիւն : Զգիտեմ եթէ իցէ ինչ անմահ զիցն մարդկան պարգեւեալ քան զսոյն աղ- նուագոյն բաց յիմաստութենէ : Ոմանք զընչաւետու- թիւն նախամեծար համարին, կէսք զառողջութիւն մե- ծարոյ հաշուին, այլք զիշխանութեանն մեծութիւն ա- ռաւել համարին, ոմանք զմեծապատիւ փառաւորու- թիւնս, եւ բաղումք եւս զփափկութիւն եւ զցանկութիւն քան զամենայն ինչ լաւագոյն դնեն : Եւ այս յետինս անասնոց միայն է . իսկ առաջինքն եղծականք եւ անհաս- տատականք, եւ ոչ եթէ ի մեր ինչ խորհուրդս հաստա- տեալք, այլ ի բախտին փոփոխութիւն ապաստան : Իսկ որ յառաքինութեանն զկատարեալ բարութիւնսն դնի- ցեն, նոքա կարի իսկ անուանիք եւ պայծառագոյնք են . սակայն սոյն այս առաքինութիւն է, որ զբարեկամու- թիւնն ծնանիցի եւ հաստատուն ունիցի . եւ չէ իսկ մարթ բարեկամութեանն առանց առաքինութեան լինել :

Եւ պարէն զառաքինութիւնն ի կարգէ անտի կենաց եւ բանից մերոց յայտ արարեալ ցուցանեմք, եւ ոչ զայն ի մեծութենէ ինչ բանիցն չափեմք, որպէս ոմանք յիմաս- տնոցն առնեն : Եղէ զարսն զայնոսիկ, որ արդեամբք իսկ լաւք հաշուիցին, այնպիսիս համարեսցուք . զՊաւղոս ասեմ, եւ զՎատոն, զՎաղդոս եւ զՍիլվիոն եւ զՓիղոս : Օտոցա չափ ինչ կեանսն ամենեքին շատ համարին . թող- ցուք զայնս որ բնաւ եւ գտանիցին իսկ ոչ ուրեք : Եւ որ յայսպիսի արանց միջի այնպիսի իմն մեծաշահ օգտու- թիւնս ունի բարեկամութիւնն, զոր չէ դիւրին յայտ առնել :

Մարտի 10^ո ՌԲ ԿԱՐԻՅԻ ԿԵՆԴԱՆԱԿԱՆ ԿԵՆՍ ՈՒՆԵԼ, որպէս Եննիոս ասաց, ՈՐ ՈՉ Ի ԽՆԱՄՍ ԲԱՐԵԿԱՄԻՆ ՀԱՃԵԱԼ ՀԱՆԳՉԻՑԻ : Օ՛ ինչ քաղցրագոյն քան զայն կայցէ, յորժամ այնպիսի ոք ընկեր ունիցիս, ընդ որում այնպէս զամենայն ինչ խօ- սել համարձակիցիս, որպէս ընդ քո իսկ անձնդ : Օ՛ ինչ վայելչութիւն ի յաջողութեան գտանիցի, եթէ չունիցիս զոք՝ որ իբրեւ գլխին ընդ այն զուարճացեալ բերկրեսցի :

Իսկ ձախողանաց տանել կարի դժուարին եւ ծանրատաղտուկ լինէր, եթէ չէր դժժորդաւոր աւելադոյն քան զքեզ ընդ այն տրտմէր եւ տխրէր: Այլ զի ի կարծոյ հատից, այլ ամենայն իրք որ խնդրիցին, իւրաքանչիւր պատշաճ առ առանձինն ինչ իրս են. արարք՝ զի նոքօք վարիցիս, եւ աւագութիւն՝ զի այլոց ամուր ապաստանի լինիցիս. պատիւ՝ զի մեծարեալ պատուեսցիս. իրք զուարթարարք, զի նոքօք ուրախ լինիցիս. առողջութիւն՝ զի անցաւ եւ առանց վշտաց լինիցիս, եւ զմարմնոյ պաշտամունսն վճարիցես: Այլ բարեկամութիւնն բազում ինչ բովանդակեալ ունի. յոր կողմն եւ դառնայցես, անդէն կաղմն եւ պատրաստական է. ոչ ի վայրաց ուրեք մերժի, ոչ անժամ ինչ է եւ ոչ տաղտկալի: Ասան որոյ, որպէս ասենն, ոչ այնչափ ջրով եւ հրով պաշտիմք, որչափ բարեկամութեամբն: Այլ ոչ եթէ զլոկ եւ զչափ ինչ բարեկամութենէն ասիցեմ, թէպէտ եւ այն եւս ուրախ առնիցէ եւ բազում մեծաշահ օգտութիւնս ունիցի, այլ զճշմարիտ եւ զկատարեալ բարեկամութենէ ասեմ, որպիսի ինչ նոցայն էր, որ դուն ուրեք եւ անօտր յիշատակին: Քանզի եւ զաջողութիւնսն լուսաւորադոյն եւ պայծառադոյն առնէ բարեկամութիւն, եւ զաջողութիւնսն՝ բաժանեալ եւ բաշխեալ թեթեւս եւ դիւրինս գործէ:



Թէպէտ եւ բազում եւ մեծամեծ օգտութիւնս բովանդակեալ ունի բարեկամութիւն, այլ այն իմն դեր ի վերոյ քան զամենայն է, զի բարւոք յոյս ակնկալութեան մատուցանէ վասն առ յապա ժամանակաց. եւ չախորժէ բնաւ, զի ոգիքն ծնդիցին եւ ի վհատութիւն կործանեսցին: Այլ դարձեալ եթէ ի բարեկամն դը նայիցի, իբրեւ յիւր ինչ պատկեր նայիցի: Ասան այնորիկ եթէ հեռաւորք իցեն՝ մօտ իսկ են, եւ եթէ կարօտեալք՝ լցեալ առատացեալ, եթէ տկարք իցեն, հզօրք են զօրութեամբ. եւ որ դժուարին առ ասել է, եթէ եւ մեռեալ եւս իցեն, կեան եւ զկենդանութիւն կրեն. այնչափ պատիւ եւ յիշատակ եւ անձուկ բարեկամացն զհետ գնայ նոցա: Արով նոցա մահն երանելի թուի եւ սոցա կեանքն գովելի: Եւ


եթէ զկապ գլխոյ եւ զխնամոց ի բնութենէ իրացն ի բաց բառնայցես, ոչ տուն ինչ եւ ոչ քաղաք կարէ կալ յիւրում կայի, եւ չմնայ ագարակաց մշակութիւն: Ալ եթէ չիցէ մարթ առնուլ քաջ ի միտ, թէ որչափ ինչ զօրութիւն իցէ բարեկամութեանն եւ միաբանութեան, ի խռովութեանցն եւ ի չմիաբանութեանց մարթ եւ պատշաճ է ի միտ առեալ ճանաչել: Քանզի որ տուն հաստատուն, կամ որ քաղաք այնպէս ամրաշէն իցէ, զոր առեւելութիւնն եւ պառակտութիւն չիցեն կարող ի հիմանց բրել: Յորմէ մարթ է ի վերայ հասանել եթէ քանի՞ն բարութիւնք ի բարեկամութեանն գտանիցին: Պատմի իմն եթէ ոմն ուրեմն Մգրիգենդացւոց քաղաքէ՞, այր հմուտ, յունական նուագօք ըզձութիւնս առնէր, թէ որ ինչ ի բնութիւնս իրացն եւ ի համօրէն աշխարհի հաստատուն կայցէ եւ որ ինչ շարժիցին, զնոսին բարեկամութիւնն ընդ միմեանս խառնեալ զօրէ, եւ չմիաբանութիւն քակտէ եւ բաժանէ յիրերաց: Սմին ամենայն համօրէն մարդիկ խելամուտ լինին, եւ արդեամբք իսկ ցուցանեն զհաւաստիսն: Ալ արդ՞ ո՞ այն ոք իցէ՞ որ ոչ մեծաւ դրուատեօք զովիցէ զգործ բարեկամին, յորժամ նա ճգունս վասն իւրոյ բարեկամին յանձն առնուցու, կամ կցորդ վշտացն եւ վառագաց լինիցի: Արախսի գոչիւն եւ ազաղակ չեղեւ լսելի փոքր մի յառաջ յողջոյն իսկ թատերն, ի տեսլեան անդ խաղուն՝ զոր բարեկամն իմ եւ ասպնջական Ս. Պակուբի արար. յորժամ անդիտակ էր թագաւորն եթէ ո՞ ոք յերկոցունցն Արեստն ¹⁰ իցէ: Պիղադէս ասէր զանձնէ թէ ինքն Արեստն իցէ, զի փոխանակ նորա մեռցի. իսկ Արեստ, որպէս եւ էրն իսկ, պնդէր թէ ինքն իցէ: Ալ հանդիսատեսքն կոփիւնս եւ դոփիւնս հանէին ընդ իրան կերպարանեալս. զինչ ինչ յայնժամ չառնիցեն, յորժամ արդեամբք իսկ իրքն գործիցին: Ընդէն ի նմին վայրի յայտ առնէր բնութիւնն զիւր զօրութիւն. քանզի մարդիկ զայնմանէ՞ զոր ինքեանք չկարէին վճարել, վճիռ իմն բերէին թէ որ արարն զայն՝ բարւոք գործեաց: Թուի ինձ եթէ զոր զբարեկամութեանն կարծէի՞ ասացի մինչեւ ցայս վայր: Ալ թէ իցէ եւ այլ եւս ինչ, (քանզի եւ է իսկ, որպէս ինձն թուի, բազում ինչ) ի նոցանէ՞ որ զայնմանէն ճառիցեն, խնդրեցէք թէ կամիր:

ՓԼՆՆԻՈՍ. Այլ մեք առաւել ի քէն խնդրեմք, թէ պէտ եւ բազում անգամ եւ ի նոցանէ եւս խնդրեցաք եւ լուաք կամօք եւ ակործիւք. բայց այլ իմն են կարդ բանից քոց, զոր ցանկամք լսել մի ըստ միոջէ:

ՍԿԵՒՈՂԱ. Յայնժամ մանաւանդ զայն ասէիր, Փաննիւ, եթէ փոքր մի յառաջ ի պարտիզի անդ Սկիպիոնեայ՝ յորժամ զընկերհաշտութենէ բանք ճառէին, մօտ լեալ էիր: Որպիսի պաշտպան արդարութեանն եղեւ յայնժամ ընդդէմ՝ նուրբ եւ պաճուճազարդ ճառիցն Փիղոսի:

ՓԼՆՆԻՈՍ. Արի զիւրադոյն այն աջողէր, առն արդարոյ՝ արդարութեանն պաշտպանել:

ՍԿԵՒՈՂԱ. Օ՛հնչ բարեկամութեանն պաշտպանել իցէ. ոչ ապաքէն դործ մի զիւրին է այնմ՝ որ վասն մեծաւ հաւատարմութեամբ եւ բազում հաստատութեամբ եւ արդարութեամբ զայն պահելոյ, մեծապատիւ մեծարեցաւ:



ՂԵՂԻ. Ո՞չ ապաքէն բռնադատութիւն իցէ այս. քանզի զ՛հնչ փոյթ իցէ ինձ եթէ այսպէս եւ կամ այլաբռնակս ինչ բռնադատիցէք: Արդարեւ բոլուն լինիք ինձ. քանզի կարի դժուարին է եւ ոչ արդար ինչ յօժարութեան փեսայիցն մանաւանդ յիրս ազնուագոյնս դիմադարձ լինել: Եւ արդ բազում անգամ յորժամ զբարեկամութենէ ածիցեմ զմոռաւ, այն իմն առաւել արժանի խորհելոյ ինձ թուի, եթէ վասն տկարութեան ինչ արդեւք եւ կարօտութեան՝ ցանկացեալ իցէ մարդկան ընդ բարեկամութիւնն. զի բարերարք եւ երախտաւորք միմեանց լեալ, զոր ինքն չունիցի, զայն յայլմէ առնուցու, եւ ինքն եւս դարձեալ զայնր փոխարէնս հատուցանիցէ:

Այս ինչ սեպհական բարեկամութեան իցէ: Այլ այլ ինչ պատճառք պատուականագոյնք եւ գեղեցկագոյնք ի միջի կան, որ առաւել ընտաբոյսք եւ բարոյածինք են: Քանզի սէր յորմէ բարեկամութիւնն ¹¹ առնու զանուանումն, սկիզբն է ի մի միաբանութիւն զինամոն խառնելոյ: Օ՛հ բազում անգամ եւ ի նոցանէ եւս՝ որ կերպարանօք

բարեկամութեանն մեծարեալ պատուիցին, եւ վասն պատ-
շաճութեան ժամանակին պաշտօն առնուցուն, բազում
շահս եւ օգուտս մարթ է գտանել: Եւ ի բարեկամու-
թեանն չեք ինչ կեղծեօք կամ կերպարանեալ. եւ որ իցէ
ինչ ի նմին, ճշմարիտ է եւ ի յօժարութենէ կամացն
գործեալ: Ոյր վասն թուի ինձ եթէ բնութիւնն եւ ոչ
կարօտութիւն ծնեալ իցէ զբարեկամութիւն, եւ յօժա-
րութիւն սիրոյ եւ խնամոց, քան խորհուրդք եւ յիշատակ
շահից իրացն եւ օգտութեան: Օտորին հանգամանս
մարթ իսկ է եւ յանասնոց ի միտ առնուլ, որք զիւրեանց
ծնունդան, եւ ծնունդքն եւս զիւրեանց ծնանելիսն
այնպիսի ինչ սիրով սիրեն առ ժամանակ մի, որպէս զի
զիւրաւ մարթիցի որ խելամուտ լինել թէ որչափ ինչ
գութ ընդ միմեանս ունիցին: Եւ ի մարդիկ եւս իմն
աւելի յայտնագոյն երեւիցի: Եւս ի սիրոյն որ ի ծննդոցն
եւ ի ծնանելեացն միջի կայցէ, զոր անհնարին ինչ եղեռն
եւեթ մարթի եղծանել: Երկրորդ անգամ անտի իսկ, զի
եթէ զայնպիսի ինչ որ գտանիցեմք, որում բնութեամբն
եւ բարութ միտքան եւ հաւանք եւ հաւատարմ գտանիցեմք,
անդէն վաղվաղակի միտեալ յօժարիցիմք զնա սիրել,
քանզի համարիմք այնպէս թէ ճաճանչ իմն լաւութեան
եւ առաքինութեան ի նմին նշմարեալ տեսանիցեմք:

Չեք ինչ քան զառաքինութիւն ցանկալի, եւ ոչ որ
այնպէս յօժարագոյն ի սիրել կազմիցէ: Քանզի զնոսա
եւս՝ զորս եւ տեսանեմք իսկ ոչ, վասն առաքինութեան
եւ լաւութեան՝ օրինակաւ իմն սիրեմք: Ո՞ւր այն որ իցէն՝
որ զՎայիոս Փարրիկիոս եւ զՄ. Կուրիոս, զոր եւ տեսեալ
իսկ չեցէ, բազում սիրով եւ խնամով չսիրիցէ: Եւ ո՞ր
զՏարիուինոս Էմբատաւան¹² եւ զԱպուրիոս Աասիոս
եւ զԱպուրիոս Մեղիոս չխոտիցէ: Ինչ երկուսին զօրա-
վարսն ընդ Պիւռեայ եւ ընդ Եննիբաղայ, մեծամեծ
մարտք պատերազմաց վասն պետութեան մղեցան յառա-
դացւոց աշխարհին: Օ՞րիւռեայ վասն նորա աղնուական
բարուցն՝ ոչ օտարոտի ինչ միտս ունիմք. իսկ զԵննիբաղ
վասն իւրոյ անագորոյն եւ գազանամիտ բարոյիցն՝ քա-
ղաքս այս ցանդ գարովեալ խոտեսցէ:


Ապա եթէ այսպիսի ինչ լաւութեանն զօրութիւն իցէ, զի ի նոսին եւս՝ զորս եւ տեսանեմք իսկ ոչ, եւ որ եւս իմն մեծագոյն է, ի մեր իսկ թշնամիսն սիրիցեմք, զինչ զարմանք իցեն, թէ ոգիք մարդկան յուզեցին, յորժամ զնոցա՝ ընդ որս կենաց կցորդ կարիցեն լինել, զքաջութիւն եւ զլաւութիւն տեսանիցեն։ Թէպէտ եւ հաստատագոյն լինի սէր յընդունելոյ անտի երախտիս բարեաց, եւ ի տեսանելոյ զինամն կամացն, եւ ի կցորդութենէ կենաց. զի այս ամենայն յորժամ յառաջին շարժումն անդր մտացն եւ սիրոյն յաւելցի, սքանչելի իմն յորդեալ բորբոքեսցի զթոյն յաճախութիւն։ Իսկ եթէ ի տկարութենէ իմն ելեալ բարեկամութիւնն կարծիցի ումանց, որպէս զի իցէ ինչ ի միջի, որով իւրաքանչիւր ոք այնմ՝ որում ցանկայն, հասանիցէ, արդարեւ ի բազում անարգութիւն եւ ի չազնուականութիւն իջանիցի բարեկամութեան սկիզբն։ Ո՞ր կամին իմն թէ ի չքաւորութենէն եւ ի կարօտութենէ ծնանիցի։ Եթէ այն այնպէս էր, ապա որչափ տկարագոյն եւ չքաւոր ոք զանձն համարէր, դոյնչափ պատշաճագոյն ի բարեկամութիւն գտանէր. որ չէ քանզի եւ չէ իսկ այնպէս։ Ո՞ր որչափ վտառ յիւր անձն ոք իցէ եւ ազգի ազգի առաքինութեամբք եւ խնստութեամբք այնպէս պարսպեալ եւ ամրացեալ, որպէս զի չեցէ ինչ ումեք կարօտ, եւ զամենայն ինչ՝ որոց պէտտ ունիցի, յիւրում անձին բովանդակեալ գտանիցէ, եթէ խնդրիցէ այնպիսին բարեկամութիւն խառնել եւ ի նմին ցանգորդել, եւս իմն աւելի բարձրագոյն եւ յառաջագէմ ի նմին լինիցի։ Արօտ ինչ ինեւ էր Ափրիկանոս. եւ ոչ երբեք. այլ եւ ոչ եւս նովաւ կարօտ ինչ էի։ Սակայն զարմացեալ ընդ նորա գեղեցիկ առաքինութիւնն, եւ նա եւս, թերեւս կարծեօք ինչ՝ զոր զբարուցն իմոց ունէր, սիրեաց զիս։ Յաճախեաց զինամնն ստէպ կցորդութիւն կենաց։ Եւ թէպէտ բազում եւ մեծամեծ օգտութիւնք զայնր զհետ եկին, այլ ոչ եթէ նոցին ակնկալութիւն պատճառք սիրոյն եղեն։ Քանզի որպէս երախտիս այլոց առնեմք եւ առատամիտ լինիմք՝ ոչ զի շնորհս ինչ պահանջիցեմք, (զի ոչ եթէ ի վարձու տամք զբարերարութիւնն)

այլ զե անդատին ի բնածին բարուց մերոց մէտք եւ յօ-
ժարք յառատամտութիւն եմք. դոյնպէս եւ զբարեկա-
մութիւնն ոչ վասն վարձուց ինչ ակնկալութեան, այլ
զե համօրէն հեշտականութիւն նորին եւ շահ ի նմին իսկ
ի սէրն բովանդակեալ կայ, պատշաճ համարիմք խնդրել:
Սակայն նոքա՝ որ իբրեւ զանասունս անխօսունս զամենայն
ինչ ի ցանկութիւն անդր ձգեալ տանիցին, կարի իսկ
օտարոտի կարծիս զամանէ կարծեն: Եւ չեն ինչ զարմանք:
Օ՛ր որ զիւրեանց միտս եւ զխորհուրդս զամենայն յայս-
պիսի խոտան եւ յանարգադոյն իրս հաստատեալ եղեալ
իցեն, չէ մարթ նոցա առնուլ ինչ յանձն ի բարձրակա-
նացն եւ ի փառաւորացն եւ յաստուածեղնաց: Վմին
իրի իսկ թողցուք ի բաց զայնպիսին ի բանից աստի մե-
րոց, եւ հաւանեալ առցուք յանձն՝ եթէ զազդումն սի-
րոյ եւ զզութ խնամոց բնութիւնն ինքնին գլխովին ծնա-
նիցի, յորժամ նշանակ լաւութեան ընծայանայցէ. եւ
որ այնմ ցանկանայցեն, մօտ երթեալ զնովմք գիրկս
արկանիցեն, զե ի պիտանութեան այնր՝ զոր սկսանն սի-
րել, եւ ի բարսն վայելեացեն, եւ նմանագոյնք ի սէրն եւ
հաւասարք լինիցին, եւ առաւել յօժարագոյնք ի բարե-
րարել քան ի պահանջել: Եւ սոյն աղնուական մրցու-
թիւն լինիցի ի նոցա միջի: Եւսպէս բազում շահք մե-
ծաշահք ի բարեկամութենէն կթիցին, եւ սկիզբն նորա
ի բնութենէ եւ ոչ եթէ ի տկարութենէ լինիցի, եւ
առաւել հաստատագոյն եւ ճշմարտագոյն: Օ՛ր եթէ
շահիցն ակնկալութիւն զբարեկամութիւնն խառնէր, ի
նոցա փոփոխել՝ լուծեալ քայքայէր: Եւլ քանզի չէ
մարթ բնութեանն փոփոխել, յայն սակս եւ բարեկա-
մութիւնք ճշմարիտք՝ տեւականք եւ մշտնջենականք են:
Եւասիկ յայտ արարեալ ցուցաւ ձեզ սկիզբն եւ ծա-
ղումն բարեկամութեանն, եթէ ոչ ընդդէմ սոցին ինչ
բանս ասել կամիցիք:

ՓԱՆՆԻՈՍ. Եւլ դու յառաջ զբանսդ մատու քան-
զե ես փոխանակ ընդ սորա որ կրսերս է, ըստ իրաւանց
իմոց երիցութեան առնեմ պատասխանի:


ՍԿԵՒՈՂԱ. Եւ կարի իսկ քաջ. վասն որոյ լուիցուք:





ՂԵՂԻ. Երբ լուարուք, արք պատուականք, զբարեկամութեան ճառսն՝ զոր ես եւ Ակիպիոն բազում անգամ ի միջի մերում ճառէաք: Թէպէտ եւ ասէր նա թէ կարի դժուարին իցէ տեւել բաւել ի բարեկամութեան մինչեւ ցկատարած կենաց: Օ՛հ կամ վասն զի ոչ նոյն ինչ երկոցուն եւս օգուտ է, բազում անգամ քակի բարեկամութիւնն, եւ կամ զի զընկերհաշտութենէ ոչ զնոյն կարծիս ունին՝ բազում անգամ լուծեալ եղծանի: Ասան որոյ եւ ասէր իսկ եթէ բարք մարդկան հանապազ փոփոխին, մերթ ի ձախողանաց, եւ մերթ ի հասակացն զարգանալոյ: Եւ զառակ օրինակի սոցին ի մանկութեան տիոցն առնոյր. զի եւ կարի իսկ կարեւոր սէր մանկանցն բազում անգամ նուազէ, յորժամ ի չափ հասեալ՝ զառնացի պատմութեանն զգենուցուն: Իսկ եթէ պահիցեն եւս մինչեւ ի տիս երիտասարդութեանն, այլ յայնժամ կամ ամուսնութեանն կռուովք, եւ կամ վասն օգտութեան ինչ իրիք, որում երկոքին միանգամայն չկարիցեն հասանել, լուծանի եւ քակի: Թէպէտ եւ իցեն ումանք՝ որ կարի յառաջագէտ ի բարեկամութեան իցեն, սակայն բազում անգամ եւ այն եւս եղծեալ ապականիցի՝ եթէ ի պատուոյ կռիւս անկեալ կործանեցին: Եւ քան զամենայն ցաւ ժանտազործ եւ ապականիչ ի բարեկամութիւնս՝ ընչեցն ցանկութիւն է, զոր բազումք ունին. իսկ յաւազաց միջի վասն պատուոյ եւ սնապարծիին փառաց մրցութիւնք եւ զկարի սերտ բարեկամսն՝ անհնարին թշնամիս եւ ատելիս իրերաց զործեցին: Վարձեալ, եւս իմն մեծամեծ կռիւք ծնանիցին, եւ բազում անգամ յիրաւի իսկ, եթէ այնպիսի ինչ ի բարեկամէն որ խնդրիցէ, որ չիցէ ինչ ի դէպ եւ վայելուչ, զի կամ սպասաւորք նորա անառակ ցանկութեանն, եւ կամ թիկունք եւ օգնական անիրաւութեան լինիցին: Օ՛ր եթէ չառնուցու որ յանձն, թէպէտ եւ դործ ազնուական դործէ, բայց սակայն նոցա՝ որոց չառ յանձն հաւանել, այնպէս իմն թուի եթէ զօրինօք բարեկամութեանն անցանիցէ. իսկ որ իշխիցենն զամենայն ինչ ի բարեկամացն խնդրել, յայտ իմն այնու առնեն,

եթէ եւ ինքեանք եւս վասն բարեկամին զամենայն առնելոց են : Աոցա տրտունջքն՝ ոչ զբազմաժամանակեան ընտանութիւնսն միայն ջնջեալ եղծանեն, այլ եւ ատելութիւնս մշտնջենաւորականս ծնանիցին : Այսպիսի անհնարին աղէտք եւ տագնապք պատեալ պաշարեալ են զբարեկամութեամբ, որպէս զի թէ յայնմ ամենայնէ դք զերծանիցի, ոչ միայն գործ խնատութեան գործիցէ, այլ եւ երջանիկ եւս լինիցի, որպէս Ակիպիոն ասէր :



Ամեն իրի նախ զայն իմն տեսցուք, թէ հաճոյ իցէ, եթէ որչափ ինչ յառաջագէտ արժանի իցէ լինել սիրոյ ի բարեկամութեան : Եթէ ունէր բարեկամս Աորիողանոս, պարտ ինչ էր նոցա ընդ նմա ի մարտ պատերազմի ի վերայ հայրենի աշխարհին յառնել . միթէ կայր ինչ հարկ ի վերայ բարեկամացն Վիսկեղինեայ՝ որ թագաւորութեան թեկն ածէր, եւ կամ Սպ. Մեղեայ՝ թիկունք եւ զօրաւիգն նոցին լինել :

Տի. Գրակքոս յորժամ անհնարին տագնապս ի վերայ ընկերհաշտութեան հասուցանէր, տեսանէաք եթէ ի Վ. Տուբերոնեայ եւ ի զուգական բարեկամացն լքեալ թողեալ էր : Այլ Վ. Բզոսիոս կուսմանացի ասպնջական ձերոց ընտանեացն, Սկեւոլա, յորժամ եկն առ իս՝ զի վասն ներերոյ թողութեան աղաչիցէ, մինչդեռ ի խորհրդեանն մօտ առ Վինատ եւ առ Հռուպիդ բղեաշխան էի, զայս ինչ պատճառս ածէր ի մէջ, զի ներիցեմ նմա . Այնչափ ինչ, ասէ, Տի. Գրակքոս մեծարոյ էր ինձ, մինչեւ համարէի իմն եթէ զոր նայն կամիցի, պարտ իցէ ինձ առնել : Յայնժամ հարցի ցնա . Եթէ կամէր զի հուր ի Սապիտոդոնն արկանիցես, իշխէիր եւ զայն առնել : Չկարէր նա, ասէ, այնպիսի ինչ կամել : — Այլ թէ կամէր : — Անայի, ասէ : Տեսանես քանի անարժան են բանքս . եւ արդարեւ արար իսկ այնպէս, մանաւանդ թէ եւս իմն աւելի անհնարին չարիս քան զոր ասացն, գործեաց : Բանդի Տի. Գրակքեայ ոչ հնազանդ միայն եղեւ, այլ եւ գլուխ եւս խակագործ ստահակութեանն եկաց . եւ ոչ ընկեր լոկ եւ գործակից նորա մոլեգին կա-


տաղութեանն, այլ եւ առաջնորդ եւս զանձն ընծայեցուցանէր: Յայն սակս վասն սորին անհանձարութեան զարհուրեալ ի նորոգ հարցափորձէն, մազապուր փախըստեայ յԱսիացւոց աշխարհն գնայր, եւ անձամբ զանձն ի թշնամեաց ձեռս մատնէր, եւ զանհնարին վրէժ ընկերհաշտութեանն լուծանէր: Արդ չեք ինչ չմեղադրութիւն յանցանացն՝ զոր վասն բարեկամին ոք յանցանիցէ: Աւ քանզի կարծիք առաքինութեանն՝ բարեկամութեան առիթ լինին, յորժամ յառաքինութենէն կասիցէ ոք, կարի դժուարին լինիցի այնուհետեւ բարեկամութեանն կալ յակաստանի:

Եթէ արդար ինչ համարիցիմք շնորհել բարեկամացն զամենայն ինչ զոր խնդրիցեն, եւ կամ ընդունել զոր ի նոցանէն խնդրիցեմք, կատարեալ յիմաստութեանն եմք, եթէ ոչ ախտք ինչ ի ներքս խառնիցին. այլ զայնպիսի ինչ բարեկամաց ասեմ, որ առաջի աչաց իցեն, զորս եւ տեսանիցեմքն իսկ, կամ զնոցին յիշատակս ցանդ ի մտի ունիցիմք, եւ կամ զի ամենեցուն յայտնի եւ ծանօթ իցեն: Անդստին ի սոցանէ պարտ եւ պատշաճ է մեզ առնուլ օրինակս նմանութեան, եւ առաւել ի նոցանէ որ կարի միջամուկք յիմաստութիւնն իցեն:

Յայտ իսկ է մեզ եթէ Պապոս Եմիղիոս կարի ընտանութեամբ ընդ Ա. Ղուսկինեայ էր, քանզի այնպէս իմն ի նախնեացն ընկալաք, երկիցս բզեաշիք եւ համարակալք կացին ի միասին. յիշատակի եւ այս եթէ յայնժամ Մ. Կուրիոս եւ Տի. Կորունկան ընդ սոսին եւ ընդ միմեանս եւս ընտանեգոյնք էին: Աւ արդ ո՞ր կարիցէ կասկած ի մտի ունել, թէ խնդրեաց ոք ի նոցանէ ի բարեկամէն իւրմէ այնպիսի ինչ՝ որ հակառակ հաւատարմութեանն եւ երդման եւ ընկերհաշտութեան իցէ: Այլ զե՞նչ հարկ ի վերայ կացէ այսպիսի ինչ ասել վասն արանցս այսոցիկ, զի եթէ խնդրէր եւս, չէր ընդունելոց, քանզի լաւք եւ առաքինաւորք էին արքն. իսկ արդ որ զայսպիսի ինչ յորժամ աղաչիցին՝ կատարիցէ, եւ կամ ինքն յայլմէ խնդրիցէ, ո՞չ ապաքէն գործ անարժան գործէ:

Ի սոյն մոլորութիւն զառաժան եւ Գ. Կարբոն եւ Կատոն. քանզի թէպէտ եւ ոչ ինքնին ի բռնութիւնս

թեւակոխէին, բայց սակայն Տի. Գրակքեայ բռնու-
թեանցն հաճեալք՝ զնորին զհետ երթային. մանաւանդ
Գայիոս եղբայր Ատտոնի՝ որ յառաջագոյն դոյզն ոք էր,
այլ այժմ եւ նա սաստիկ հակառակութեամբ ի վերայ
ընկերհաշտութեանն յարուցեալ է:



Այսուհետեւ այս ինչ օրէնք ի բարեկամութեանն
հաստատեսցին, մի անպատեհս ինչ խնդրել, եւ ոչ թէ
ի մէջ խնդրիցեն, կատարել: Օ՛հ ոչ պատշաճ ինչ
չմեղադրութիւնն է, որ եւ ընդունելի իսկ չէ, յորժամ
խոստովան ոք լինիցի թէ վասն բարեկամին յանցուցեալ
իցէ, եւ կամ ընդդէմ ընկերհաշտութեանն ստահակեալ՝
եւ այնպէս կամիցի արդարանալ: Քանզի յայնպիսի
ինչ վայրի զետեղեալ եմք, Փաննիէ եւ Ալեուդա, զի
հարկ ի վերայ կայ մեզ զհանդերձեալ դէպսն ընկերհաշ-
տութեանն կանխաւ տեսանել: Քանզի խոտորեցան սա-
կաւիկ մի բարձր մեր եւ գնացք ի յօրինաւոր կարգաց նա-
խնեացն: Տի. Գրակքոս գուն եղեալ ջանայր թագ կա-
պել եւ զարքունական իշխանութիւնն առնուլ, որ եւ
թագաւորեաց իսկ սակաւ ինչ ամիսս: Իցէ տեսեալ եւ
կամ լուեալ սոյնպիսի ինչ ազգն Հոռոմոց: Սմին բա-
րեկամքն իւր եւ մերձաւորք յետ իւրոյ մեռանելոյ նմա-
նողք եղեն. զորոց զանհնարին չարիսն՝ զոր ընդ Ալի-
պիոն անցուցին, չկարեմ առանց արտասուաց պատմել:
Քանզի Աարքոնի՝ որչափ ձեռնհաս էաք, վասն նորոգ
պատժոցն Տի. Գրակքեայ ներեցաք: Այլ թէ զինչ ակն
զռամկապետութենէ Ա. Գրակքեայ ունիցիմ, չէ համար-
ձակ ածել զմտաւ. քանզի հանապաղ տարածանի ժանտն
եւ ապականութիւնն՝ որ սկսաւն, ապա ուրեմն ի կա-
տարումն երթեալ հասանիցէ: Տեսանէք իսկ ի տախտա-
կին եթէ որչափ ինչ ֆեսսք դործեալ իցեն յառաջագոյն՝
նախ Գաբրիւնեան օրինօքն, եւ յետ երկուց ամաց Աասսիա-
կանաւն¹³: Տեսանեմ եթէ զատեալ անջատեալ է ժո-
ղովուրդն ի ծերակուտէն, եւ կարծեօք խառնադանձ բազ-
մութեանն մեծամեծ իւր վճարին. քանզի բազումք այնմ

իմն ուշ ունին թէ զիարդ մարթ իցէ զայն առնել, եւ ոչ թէ որով օրինակաւ հակառակ կալ այնմ հնար իցէ:

Եւ ընդէր իսկ զայս ամենայն բանս յաճախիցեմ. այլ զի յայտ լինիցի եթէ ոչ որ առանց բարեկամաց յայսպիսի իրս մտաբերիցէ: Ոյր վասն պարտ եւ պատշաճ է պատուէր ի վերայ զնել լաւացն, զի թէ յայսպիսի բարեկամութիւն անգիտութեամբ ինչ անկեալ իցեն, մի ինչ համարիցին, եթէ՝ թէպէտ եւ անհնարին վնասս ընկերհաշտութեան բարեկամն հասուցանիցէ, չեցէ նոցա օրէն ի բաց ի նմանէ հեռանալ: Իսկ յոռեացն եւ անպիտանեաց պարտ է պատիժս սահմանել, եւ ոչ նուագագոյն ինչ նոցա՝ որ կցորդք եւ արբանեակք այլոց ի չարիան իցեն, քան նոցին՝ որոց գտալն եւ առաջնորդանօրէնութեան լեալ իցէ: Ո՞ր պայծառագոյն քան զԹեմիստոկղէս ի Յունաց աշխարհին եղեւ, ո՞ր հարստագոյն. որ մինչ զօրավարն էր ի պարսկական պատերազմին՝ զՅունաց աշխարհ ի ծառայութենէն թափէր. այլ յորժամ վասն նախանձուն եւ ատելութեան յաշխարհէն վտարէր, չունէր ժոյժ ապիրատութեան իւրոյ աշխարհին, որում պարտ էր տանել մտադէւր մտօք:

Օայն ինչ զոր Խ. ամօք յառաջ Աորիողանն¹⁴ առ մեզ գործեալ էր՝ եւ նա գործեաց¹⁵: Իայց սակայն ոչ որ նոցա թիկունք եւ զօրաւիգն ընդդէմ հայրենի աշխարհին գտանէր. յայն սակա եւ երկոքին եւս անձանց արարին: Մին իրի եթէ բարեկամութեանն բարրանօք կցորդ որ անօրինին լինիցի, ոչ միայն չէ պատշաճ չմեղադրութիւն զայն համարել, այլ եւ բազում պատիժս ի վերայ ածել, զի մի ինչ կարծիցի թէ համարձակ իցէ, յորժամ ի մարտ պատերազմի ի վերայ հայրենի աշխարհին բարեկամն յառնիցէ, ընկեր եւ գործակից նմին գտանել: Եւ քանզի սկիզբն այնմ ապիրատութեան եղեւ, կարի կասկածեմ զի մի առ յապա ժամանակս սոյն աղէտք եւ մերում հայրենեաց հասանիցեն: Իսկ ինձ քան զայժմու պայմանաց ընկերհաշտութեանն, աւելագոյն զհանդերձելոցն՝ յորում յետ խնց մեռանելոյ գտանիցի, հոգ ի մտի կայ:

Այսուհետեւ սոյն այս առաջին օրէնք բարեկամութեանն հաստատեցի, զի իրս վայելուչս ի բարեկամէն խնդրիցեմք, եւ վասն նոցա գործս լաւութեան գործիցեմք: Ս'ի ինչ կայցեմք մնայցեմք դանդաղեալք, զի խնդրիցէ ոք ինչ ի մէնջ: Հանապաղ փոյթն եւ յօժարութիւն մօտ կայցէ եւ յապաղութիւնն քաջ ի բաց հեռագոյն: Բազում համարձակութեամբ եւ յօժարութեամբ տայցեմք խորհուրդս: Ղոխութիւն բարեկամացն՝ որ թելադիրն եւ յորդորիչ ի լաւ անդր լինիցին, բազում զօրութիւն ունիցի, զոր ի կիր արկանիցէ ի խրատել՝ ոչ միայն յայանապէս եւ համարձակութեամբ, այլ եւ յորժամ հարկ ի վերայ կայցէ, սաստիկ բանիւք սակայն պարտ եւ պատշաճ է, զի եւ նա զոր խրատիցէն, մտադիւրութեամբ անսպցէ:

Ինչ այսպէս թուի եթէ ոմանց՝ զորոց լսեմ թէ իմաստունք ի Յունաց աշխարհին կարծիցին, ցանգ նորանչան եւ զարմանալի իրս ասելոյ փոյթ ի մտի կայ, եւ զամենայն իրաց բազում նուրբ բանիւք ճառ արկանելոյ: Ախոցն այնպէս իմն թուի եթէ արժանիցէ խորշել ի բազմացն բարեկամութենէ, զի մի հարկ ինչ լինիցի միումն վասն բազմաց ի հոգս եւ ի վարանս մտանել. եւ զարձեալ թէ իւրաքանչիւր ումէք իւր իրք շատ եւ բաւական իցեն. իսկ օտարօտի ինչ իրաց միջամուխ լինել կարի ծանրատաղտուկ իցէ: Առաւել հեշտական է, ասեն, ընդարձակագոյն զերասանակս բարեկամութեանն թողուլ, զոր թէ կամիցիս, ձգեալ ամփոփիցես, եւ յորժամ ախորժիցես, ի բաց արձակիցես: Քանզի անկասկածն լինել, ասեն, դու իս երանելի կենաց է, յորում չկարիցէ ոգին վայելել, եթէ ինքն միայն առանձին վասն բազմաց ի տագնապ երկանց գտանիցի:


Իսկ կէսք եւս իմն անպատեհագոյնս եւ անհեղեղս բարբառին, զորս սակաւիկ մի յառաջ կարճառօտիւք համառօտս յանդիման կացուցաք, թէ վասն պաշտպանութեան եւ օգնականութեան, եւ ոչ վասն սիրոյ եւ խնամոց՝ բարեկամութեան արժանիցէ ցանկանալ: Ասանորոյ որչափ ուրուք ոյժ, ասեն, սակաւ իցէ եւ դոյզն զօ-

րութիւնն, դոյնչափ աւելագոյն բարեկամութեան ցանկանայցէ. դմին իրի իսկ կանայք առաւել քան զարսն զբարեկամութեան պաշտպանութիւն խնդրեն, եւ անինչքն քան զընչաւէտսն, եւ եղուկքն՝ քան զայնոսիկ՝ որ երանիկքն եւ երջանիկք հաշուիցին:

Ամեծապայծառ իմաստութեան. քանզի թուի իմն թէ զոսկէճաճանչ արեգակն յաշխարհէ բառնայցեն, որ փոյթ յանձին կալեալ ճգնիցին ջնջել զբարեկամութիւնն ի կենաց մարդկան, քան զոր չէ մեր ազնուագոյն ինչ եւ հեշտական յանմահ զիցն ընկալեալ: Քանզի զինչ այն անկասկած հանգիստն իցէ, որ թէպէտ եւ ցանկալի եւ տենչական է, սակայն է ուրեք զի հարկ է մերժել զայն եւ հալածել. չէ ի դէպ ի վայելուչ ինչ իրաց եւ ի դործոց լաւութեան ի բաց խորշել, զի մի ի հոգս եւ ի տատամնութիւն անկանիցիմք: Օ՛ի եթէ ի հոգոց փախչիցիմք, հարկ է եւ յառաքինութենէն ի բաց սրանալ. քանզի առաքինութեանն պարտ եւ պատշաճ է բազում հոգովք եւ անհնարին աշխատութեամբք զիւր հակառակսն մերժել. որպիսի ինչ լաւութեանն՝ զլուռութիւն, եւ զգաստութեանն՝ զղանկութիւն եւ ժրութեանն՝ զվհատութիւն: Այր վասն տեսանեմք եթէ դործք անիրաւաց՝ արդարոց բազում ցաւոց պատճառք լինիցին, եւ տկարացն՝ քաճացն եւ առաքինեաց. նոյնպէս եւ որ պարկեշտութեան կեանս կեցեն, ընդ այլոց խառնակեցիկ կեանս կարի տրտմիցին: Ապա առաքինաւոր եւ հաստատուն ոգւոյ է խնդալ եւ ուրախ լինել ընդ լաւութիւն, եւ ընդ նոցին հակառակսն տրտմել եւ տխրել:

Ամին իրի իսկ եթէ ցաւք ինչ ի միտս իմաստնոյ անկանիցին, որ անկանիցին իսկ եթէ չհամարիցիմք թէ բնութիւն մարդկեղէն խլեալ իցէ ի սրտէ նորա, ապա զինչ պատճառք իցեն զբարեկամութիւնն ի կենաց բնաջինջ առնելոյ, զի մի վիշտս ինչ վասն այնորիկ հասանիցէ վշտանալ: Օ՛ի եթէ զյոյզս շարժմանց ոգւոցն ի բաց բառնայցեմք, ոչինչ ընդհատ այնուհետեւ, ոչ ի ճարակաւորաց միայն, այլ եւ ի քարէն եւ ի փայտէ եւ յայլոց ինչ սոցին նմանեաց մարդն գտանիցի: Քանզի ոչ եթէ, որպէս ոմանք դանդաչեն, երկաթի ինչ

իցէ առաքինութիւն, այլ որպէս եւ յայլ եւս իրս, նոյնպէս եւ ի բարեկամութեան՝ քաղցր եւ համբոյր է, որպէս զի ընդ բարիս բարեկամին ուրախ լինիցի, եւ ընդ նորա վիշտս տրտմիցի: Ասան այնորիկ նեղութիւնն այն եւ անձկութիւնն չէ ձեռնհաս զբարեկամութիւն ի կե- նաց բառնալ, որպէս եւ ոչ առաքինութիւնն, վասն զի հոգս եւ տառապանս ունի, խոտան ինչ իցէ:




Այլ յորժամ բարեկամութիւն որ ընդ այլում խառ- նիցէ, որպէս կանխագոյն ասացաք, այս ինքն է եթէ նշանակ ինչ առաքինութեան յուրուք վերայ երեւիցի եւ մեւս եւս որ առաքինի երթեալ ընդ նմին միաբանի- ցի, հարկ է թէ սէր անտի ծնանիցի:

Քանզի զինչ անպատեհագոյն քան զայն կայցէ, զզուր եւ զանոտի իրս, որպիսի ինչ զպատիւս եւ զփառս, զշինուածսն եւ զհանդերձս եւ զայն եւս զմարմնաւոր սպասան ինդրել եւ նոքօք ուրախ լինել, եւ չհաճել ինչ ընդ ոգի առաքինի, որ կարիցէ խնամն ընդունել եւ զայնր փոխարէնս հատուցանել: Քանզի զինչ քաղ- ցրագոյն եւ հեշտականագոյն քան զհատուցումն խնամոց եւ քան զփոխարէնս սիրոյ եւ երախտեաց:

Իսկ եթէ զայն եւս ի նոյն յարեալ յաւելուցումք, զոր յիրաւի իսկ մարթ է յաւելուլ, թէ չեք ինչ՝ որ այն- պէս յօժարեցուցանել եւ յինքն յանկուցանել կարիցէ, որպէս նմանութիւն բարուցն ի բարեկամութեան, դիւ- րագոյն լինիցի այնուհետեւ հաւանել, թէ արդարեւ լաւք զլաւսն սիրիցեն եւ զիրի ընդ խառն ընդ միմեանս լինիցին, որպէս թէ մերձաւորք եւ ազգականք եւ բնու- թեամբն իսկ զօգեալք ընդ իրեարս իցեն: Օ՛ր բնութիւն քան զամենայն ինչ աւելագոյն իւրոց նմանեաց ցան- կանայ եւ զնոսին ձգեալ առ ինքն ժողովէ: Ասան որոյ այս իսկ յայտ է, Փաննիէ եւ Ակեւողա, որպէս ինձ թուի, եթէ ի լաւաց միջի ի հարկէ իմն ծնանիցին սէր եւ ընդելական խնամք, որ աղբււր բարեկամութեանն է ան- դրստին ի բնութենէ կարգեալ. այլ այնմ լաւութեան եւ խառնիճաղանճ բազմութիւնն եւս հաղորդ է: Քանզի


չէ ինչ տմարդի առաքինութիւն, եւ ոչ աննուէր եւ ամբարտաւան իցէ. որ ամենայն իսկ համօրէն ազգաց պաշտպանէ, եւ զնոսին ազնուազոյն դարմանէ. որ թէ խորշէր ինչ եւ դարշէր ի սիրոյ խառնադանձ ուսմկին, ապա եւ առնէր իսկ ոչ այնպիսի ինչ: Աւ դարձեալ թուի իմն եթէ որ վասն շահից ինչ անկալութեան բարեկամութիւնս կերպարանիցի, զցանկալի զօգ բարեկամութեան ի բաց բառնայցէ: Քանզի ոչ այնպէս օգտութիւնն որ ի բարեկամէն ծնանիցի, որպէս նորին սէր ուրախ առնիցէ. եւ յայնժամ քաղցր եւ հեշտական գործ բարեկամին լինիցի, յորժամ սիրովն եւ յօժարութեամբ գործիցի: Իսկ վասն կարօտութեան զբարեկամութիւնն ունել, այնչափ ինչ օտար եւ անընտանի է, զի նոքին որ բազում ինչս եւ արարս ունիցին, եւ հանճարով եւս եւ քաջութեամբ զարգարեալք եւ ամրացեալք՝ չկարօտանայցեն ումեք, առատամիտք եւ երախտագործք ի բարեկամութեան լինին: Աւ չգիտեմ թէ հարկ ինչ իցէ բարեկամին չկարօտանալ իւրք: Քանզի զհարգ իսկ մարթ էր մերոյ սիրոյն երեւել, եթէ ոչ մերովք խորհրդովք եւ վաստակովք ի խաղաղութեան ժամանակի եւ ի պատերազմի կարօտ ինչ լինէր Ակիպիոն: Այսուհետեւ յայտ իսկ է թէ ոչ բարեկամութիւնն վասն օգտութեան իցէ, այլ օգուտն եկն զհետ բարեկամութեան:



Ապա չէ իսկ ի դէպ ունինդիր լինել նոցա՝ որ անձնատուր գրգանաց եւ փափկութեանց իցեն, յորժամ զբարեկամութենէ՝ որում չիցենն տեղեակ, այնու զի ոչ վարեալ նովաւ իցեն, եւ ոչ մտօք զհանգամանսն ծանուցեալ, ճառիցեն: Օ՛հ ո՞ այն ոք իցէ որ ոչ սիրել զոք կամիցի, եւ ոչ սիրելի ումեք լինել, յորժամ ի լիութեան եւ ի յղփութեան համօրէն իրաց կեանս վարիցէ: Բռնաւորաց են այս կեանք, որ ամենեւին լոկ ի հաւատարմութենէ եւ ի սիրոյ են, եւ չէ իսկ մարթ հաստատութեամբ վստահ ի նոցա խնամն լինել. ամենայն ինչ ցանգ կասկածանօք է, բնաւ ի վարանի. իսկ բարեկամութեան եւ ոչ սակաւ ինչ նշմարանք ի նմին երեւին: Քան-

զի ո՞ր սիրիցէ զայն՝ յորմէ երկնիցին, եւ կամ զնա՝ որ ի նմանէն երկիցէ: Պահել պահեն զբարեկամութիւնն առ ժամանակ մի կերպարանօք միայն, այլ յորժամ անկանիցին, որպէս բազում անգամ դէպ լինիցի, յայնժամ ապա զիւրին իցէ ի միտ առնուլ թէ որչափ աղքատք ի բարեկամաց էին: Պատմեն իմն եթէ Տարկուինոս ի ժամանակի վտարանդութեանն խօսեցեալ իցէ այսպէս զսոյն ձեւ. Այժմ իսկ ծանեայ թէ ո՞րք ի բարեկամաց իմոց ճշմարտութեամբ զբարեկամութիւնն ունէր, եւ ո՞ր կերպարանօք եւեթ, քանզի չեմ ձեռնհաս փոխարէնս ինչ ումեք առնել: Թէպէտ եւ զարմանք թուին ինձ, թէ զխորդ կարաց նա ունել բարեկամս նովին ամբարտաւանութեամբ եւ ժպրհութեամբ: Եւ որպէս բոյս բարուց նորա զորմէ ասացաքն, չկարէր ճշմարիտ բարեկամս յարդարել, սոյնպէս եւ իշխանութիւն հարստացն, արդել եւ խափանիչ հաւատարիմ բարեկամութեանն լինիցին: Օ՛ի բախան ոչ միայն կոյր եւ զաչացու է, այլ եւ զայնոսիկ՝ որ ի նմին շաղեալ պատեալ իցեն՝ կոյրս յարդարէ: Սոսն որոյ իւրեանց յամառութեամբն եւ խեռութեամբ արտաքս իմն ըստ մարդկեղէն բնութիւնն ելանեն. եւ այնուհետեւ քան զամենայն ինչ դժնդակադոյն եւ ան հանդուրժական անհանձար բախտաւորն դտանի: Եւ այնմ եւս արժան է ուշ ունել, զի որ յառաջադոյն ընդելական վարս ունէին, իբրեւ յիշխանութիւն եւ յաւազութիւն հասանիցեն, զհին բարեկամն խոտան եւ ընկեցիկ համարին, եւ նորոյն ի խնդիր լինիցին: Եւ զինչ քան զայն անհանձարոյ կայցէ, զի զոր միանգամ ընչեւք եւ արարովք եւ զօրութեամբ կարիցեն արկանել ի բուռն, որպիսի ինչ երիւարս անհամարս, բազում դասակս ծառայից եւ սպասաւորաց, եւ այլ եւս դունակ դունակ պատմութեանս բազմապայծառս եւ սպասս պատուականս, զամենայն կազմեն եւ պատրաստեն, եւ չառնեն ինչ փոյթ բարեկամս ունելոյ, որ մեծապայծառ եւ դեղեցիկ կարասի է կենաց մարդկան: Քանզի զայլ ինչ իրս յորժամ պատրաստիցեն, չգիտեն ո՞ւմ պատրաստեն, եւ ոչ ոյր վասն աշխատն լինիցին. զի որ գեր ի վերոյ ուժգնութեամբն իցէ, նորա իսկ է այն ամենայն: Իսկ բարեկամութեանն ստացուած կայ մնայ հաստատուն եւ

ստոյգ իւրաքանչիւր ումեք՝ որ զայն ստանայցէ . որպէս զի եթէ պարզեւք բախտին մնայցեն , սակայն որ լքեալ եւ զրկեալ ի բարեկամաց իցէ , չկարէ քաղցր եւ հեշտահան կեանս ունել : Այլ վասն սորին մինչեւ ցայս վայր :



Բայց այժմ պարտ եւ պատշաճ է եւ զսահմանս բարեկամութեանն կարգել , այս իսկ է զպայման սիրելոյ : Այրիս ինչ կարծիս վասն սորին իրաց լեալ տեսանեմ . բայց սակայն եւ ոչ միում ի նոցանէ առնում յանձն հաւանել : Առաջինն այս ինչ է թէ այնպիսի ինչ սէր ընդ բարեկաման ունիցիմք , որպէս ընդ մեր իսկ անձնն ունիմք : Աւ երկրորդն՝ թէ մեր գութն կշիռ հասարակ գթոյ բարեկամացն՝ զոր առ մեզն ցուցանեն , գտանիցի : Իսկ երրորդն՝ թէ որչափ ինչ մեծարդի զանձն ոք հաշուիցի , նոյնչափ եւ ի բարեկամէն համարիցի : Չառնում յանձն եւ ոչ զմին ի կարծեացն : Օհ առաջինն՝ որ ասէն , եթէ իւրաքանչիւր ոք նոյն եւ միօրինակ խնամովք եւ անձին եւ բարեկամին դարման տանիցի , քաջ ի բաց հեռի ի ճշմարտութենէն է : Քանզի բեւր ինչ իրք են՝ զորս թէպէտ եւ վասն մեր չառնիցեմք , վասն բարեկամաց յօժարագոյնս կատարեմք : Որպիսի ինչ , աղաչել զանարժանն եւ կամ յաղերս անկանել , դառն եւ սաստիկ բանիւք յարձակել ի վերայ ուրուք , եւ բազում սաստկութեամբ հալածական առնել , ի մեր իրս չեն վայելուչ , բայց սակայն յիրս բարեկամացն կարի պատշաճական եւ վայելուչ իցեն : Աւ է ուրեք զի արք լաւք բազում ինչ յիւրեանց արարոցն ծախեն , զի ի նոսին բարեկամքն քան ինքեանք վայելեսցեն :

Իսկ երկրորդ կարծիք այն իսկ է , որ սահմանէ զբարեկամութիւնն կշիռ երախտեօքն եւ խնամով : Սովին իսկ այսու նուազիցի եւ ամբողջիցի բարեկամութիւնն : Ինձ այսպէս թուի եթէ ճշմարիտ բարեկամութեանն արժան իցէ մեծագոյն եւ առատագոյն լինել , եւ ոչ այնպէս հաւաստեալ միտ զնել , զի մի աւելագոյն քան զոր ընկալան՝ հատուցանիցէ : Աւ ոչ երկնչել ինչ պարտ իցէ թէ մի ինչ ի բարեկամութեանն զուր եւ ընդ

վայր վառնիցի կամ յերկիր հեղուցու, եւ կամ կարի իմն զիլեալ աղիաղիցի:

Եւս իմն վատթարագոյն երրորդ սահմանն է՝ որ աւէն, թէ զնոյն ինչ կարծիս զոր զանձնէ դը ունիցի, եւ բարեկամին պարտ իցէ ունել: Քանզի են իսկ ոմանք՝ որ կարի վեհերոտքն են, եւ չունին ինչ ակն ինչս յաճախելոյ եւ երջանիկ կեանս կելոյ: Ապա ոչ բարեկամի ինչ է նմանող նորա վհատութեանն լինել, այլ մանաւանդ գուն եղեալ ջանալ, զի քաջալերս նորա ոգւոյն մեղկելոյ եւ լքելոյ մատուցանիցէ, եւ խորհուրդս աղնուականս, եւ բազում ակնկալութիւն ի նորա միտան արկանիցէ: Այսուհետեւ պարտ եւ պատշաճ է այլ իմն սահմանս կարգել բարեկամութեանն. բայց զայն նախ կամիմ յայտ առնել, զոր Ակիպիոն սովոր էր յանդիմանել: Չիք ինչ, ասէր, բարբառ թշնամի եւ հակառակորդ բարեկամութեան քան զայնր՝ որ ասիցէն, թէ այնպէս զբարեկամն արժան իցէ սիրել, որպէս թէ երբեմն զնա ատելոց իցէ, եւ չառնոյր իսկ յանձն հաւանել եթէ այս Բիանդեայ բանք իցեն՝ որ յեւթն իմաստնոց համարի էր, այլ կծծոյ ուրումն եւ փառասիրի, կամ այնպիսեւ ուրուք՝ որ զամենայն ինչ յիւր զօրութիւնն ձգիցէ: Քանզի զիւրդ բարեկամ լինել դը կարիցէ՝ որ համարիցին եթէ մարթ է նմա ի թշնամութիւն դառնալ: Թէ այնպէս ինչ էր, հարկ իսկ էր ցանկալ եւ փափաքել, զի բարեկամն յաճախագոյնս յանցանիցէ, որով բազում պատճառս գտանիցէ զնա ըստգտանելոյ. սմին հակառակ ընդ ուղղութիւնս բարեկամին եւ ընդ հանգիստ նորա պարտ էր խանտալ եւ տրտմել եւ նեղեալ տաքնապել:

Ասան որոյ այս պատուէր, որ ուրուք եւ իցէ, բարեկամութեան կորուսիչ կարէ լինել: Օայն առաւել արժան էր պատուիրել, զի այնպէս փոյթ յանձին ունիցիմք ի յարդարելն բարեկամութիւնս, զի մի զոր կարիցեմքն երբեմն ատել, սկսանիցիմք սիրել: Իսկ եթէ ի ժամանակի ընտրութեանն ոչ բարեղք եւ ըստ պատշաճի ընտրեալ իցեմք, այնպէս իմն Ակիպիոնեայ թուէր, թէ առաւել պարտ եւ պատշաճ իցէ այնմ տանել՝ եւ ոչ զժամանակս թշնամութեանն ածել զմտաւ:

❖ ԺԷ ❖

Եւ արդ ինձ այսպէս թուի, եթէ զայս ինչ սահմանս արժան իցէ ի կիր արկանել, զի բարեկամքն բարս անարատս եւ ազնուականս ունիցին, եւ յամենայնի եւ ի բնաւի՝ եւ ի խորհուրդս եւ ի կամս հաղորդք եւ միաբանք իրերաց լինիցին։ Որպէս զի եթէ հարկ ինչ լինիցի անարժան կամաց բարեկամացն ձեռնտու լինել, յորժամ կամ կեանք նոցա եւ կամ համբաւ ի վտանգի կայցէ, պարտ է ի ճանապարհէն խոտորել, միայն թէ մի անպատեհ ինչ եւ առականաց իրքն իցեն։ Օ՛հ է ինչ սահման, ցորվայր մարթ է ներել բարեկամութեանն։ Բայց սակայն եւ զհամբաւոյ չէ պարտ անփոյթ առնել, եւ ոչ դոյզն ինչ կազմած համարելի է զինամս քաղաքացեացն. զոր ողորանօք եւ սուտակասպասութեամբ ստանալ բազում ամօթոյ եւ ծանականաց իրք են։ Օ՛ առաքինու թիւնն՝ որում սէրն ստեպ երթայ զհետ, չէ արժան ի բաց մերժել։ Բազում անդամ տրանջէր իմն եւ հեծէր Սկիպիոն, քանզի միւսանդամ առ նա դամ, զի նորա իսկ են ամենայն բանքս վասն բարեկամութեան, թէ կարի մտադիւրագոյն են մարդիկ յայլ ամենայն իրս, քանզի կարեն ասել եթէ որչափ ինչ օգիս եւ այծիս իւրաքանչիւր ոք ունիցի, այլ թէ քանի բարեկամք իցեն նոցա, չկարեն յայտ առնել. վասն զխաշինս ստանալոյ ցանդ ջանան եւ ճգնին, այլ վասն զբարեկամն բնութելոյ չունին ինչ փոյթ յանձին, եւ չունին ինչ նշանս եւ ծանօթս՝ որովք բնութել մարթայցեն թէ ո՞րք պատշաճ ի բարեկամութիւնն իցէ։ Պարտ եւ պատշաճ է բնութել զայնպիսիս՝ որ հաստատունքն եւ անշարժք իցեն եւ ամենեւին իսկ պնդագոյնք. այլ այսպիսիքն դուն ուրեք եւ անօսր գտանիցին. զորոց եւ դատաստան առնել կարի դժուարին իցէ այնոցիկ՝ որոց չիցէ զփորձ առեալ. իսկ զփորձ անդէն ի բարեկամութեան պարտ է առնուլ։ Եյսպէս բարեկամութիւնն կանխէ քան զգատաստանս, եւ չտայ թոյլ գչափ առնուլ եւ փորձել։

Եւ արդ առն իմաստնոյ է զառաջին եռանդն սիրոյ եւ բարեկամութեան ի չափու ունել, եւ զնոսին իբրեւ զկռօս վարել. զի զոր օրինակ կառավար խելամուտ նախ

զփորձ զերկարացն առնու, նոյնպէս եւ նա նախ խելա-
մուտ բարուց բարեկամացն լեալ յիրս ինչ, այնպէս զբա-
րեկամութիւնն արկանիցէ ի կիր: Ոմանք վասն սակաւ
արծաթոյ բազում անգամ երեւիցին թէ որչափ թե-
թեւք իցեն, եւ կէսք եւս՝ որ սակաւութն չչարժիցին,
ի յաճախագոյնն ճանաչին: Այլ եթէ գտանիցին եւս
ոմանք՝ որ համարիցին եթէ կարի անարդն եւ խոտան իցէ
զինչս քան զբարեկամութիւն նախամեծար առնել, ուր
ուրեք մարթ իցէ գտանել զայնպիսի ոք՝ որ զպատիւս եւ
զաւագութիւն, զիշխանութիւն, զհարստութիւն եւ զճո-
խութիւն չհամարիցի լաւագոյն քան զբարեկամութիւնն.
զի յորժամ ի մի կոյս այս ամենայն դնիցի, եւ ի մեւս
թեր բարեկամութեանն օրէնք, ոչ առաւել ընդ սոսա
քան ընդ այն կամիցին: Քանզի ի խոտել զաւագու-
թիւն տկար եւ անգորական գտանի բնութիւն. որում
եթէ լքեալ թողեալ ոք զբարեկամութիւնն՝ հասանի-
ցէ, համարի իմն եթէ վաղվաղակի ի մոռացօնս այն ան-
կանիցի եւ ջնջիցի, այնու զի ոչ վասն դոյզն ինչ պատ-
ճառանաց զբարեկամութեամբն զանց արար:

Ասան որոյ կարի դժուարին է ի նոսա՝ որ ի պա-
տուի իցեն եւ յիրս պետութեան դեգերիցին՝ ճշմարիտ
բարեկամութիւնս գտանել: Քանզի ուր ուրեք գտա-
նիցեմք զայնպիսի ինչ ոք, որ զպատիւս բարեկամին նա-
խամեծար քան զիւրն առնիցէ: Աւարդ զխարդ. որչափ
ծանր, քանի դժուարին բազմաց երեւիցի ընկեր եւ կցորդ
վշտաց լինել: Վժուարին է գտանել՝ որ զայնպիսին
առնուցու յանձն: Թէպէտ եւ քաջ ասաց Աննիոս, եթէ

ԲԱՐԵԿԱՄ ԶՇՄԱՐԻՏ ՅԻՐՍ ՅԵՂՅԵՂՈՒԿՍ ԵՐԵՒԻ.


սակայն երկու ինչ իրք են որ յայտ արարեալ ցուցա-
նեն թէ որչափ ինչ թեթեւք եւ տկարագոյն են բա-
զումք, յորժամ կամ յաջողութիւնս զբարեկամն խո-
տիցեն եւ ընդ վայր հարկանիցեն, եւ կամ ի չաջողու-
թիւնսն լքեալ թողուցուն:

Իսկ որ յերկուսին եւս պնդադոյն եւ հաստատուն եւ անշարժ զանձն ի բարեկամութեանն ընծայեցուցանիցէ, զայնպիսին ի դուն ինչ եւ անօսր մարդկան համարոյ, մանաւանդ թէ եւ ի կարգէ գիցն արժան է համարել :

Այլ հիմն նորա հաստատութեանն եւ անմեղիութեան՝ զոր ի բարեկամութեանն խնդրիցեմք, հաւատարմութիւն է : Օ՛հ որ ինչ առանց հաւատարմութեան իցէ, այն եւ հաստատուն իսկ չէ : Աւ դարձեալ, զանկեղծաւորն եւ զընդել, եւ որ հլուական բարս ունիցի՝ պարտ է ընտրել, զի այս ամենայն հաւատարմութեան է : Իսկ միտք կամակոր եւ բազմադիմի չկարէ հաւատարիմ լինել, եւ ոչ՝ որ ընդ նոյն ինչ չհաճիցի :

Սարթ իսկ եւ պատշաճ է եւ զայն եւս յարել ի սոյն, զի մի յօժարութեամբ զբարեկամն բամբասիցէ եւ կամ եթէ զյանցանաց բարեկամին ամբաստան ոք լինիցի՝ հաւատայցէ . որ արդի ճառեալ հաւատարմութեանն ակն է : Սովին իսկ այսուիկ առնի ճշմարիտ այն, զոր անդ ուրեմն իսկզբանն ասացաք, եթէ բարեկամութիւնն ի լաւսն եւեթ գտանի : Քանզի արք լաւք՝ զորս եւ իմաստունս եւս մարթ է անուանել, զերկուս զայս ի բարեկամութեանն պահեն . նախ այնմ իմն ուշ ունին զի մի ինչ կեղծեօք եւ կերպարանօք լինիցի, քան զի անկեղծաւոր մտաց է յայտյանդիման զրսովել, եւ ոչ կերպարանօք զմիտսն բարեքել : Արկրորդ անգամ՝ զի ոչ միայն զզրպարտութիւնսն՝ որ զբարեկամէն լինիցին, ջանան մերժել, այլ եւ ինքեանք եւս չունին կասկած ինչ ի մտի, եւ չհամարին իսկ թէ ցանդ սակաւիկ ինչ զրկանս հասանիցէ նոցա ի բարեկամէն կրել :

Դարձեալ պարտ եւ պատշաճ է քաղցրախառն բանս եւ բարս բարեբարս ի սոսին յաւելուլ, որ չափ ինչ հանդերձանք բարեկամութեան են : Քանզի տխուրն տրտմութիւն եւ դժնդակութիւն ծանր եւ տաղտուկ է . իսկ բարեկամութիւնն պարտի մեղմադոյն եւ քաղցրադոյն լինել եւ յամենայն ընտանութիւնս յօժարադոյն :




Այս յայտմամբ վայրի խնդիր ինչ դժուարին, եթէ արժան իցէ զբարեկամն նորս՝ զարժանաւորս բարեկամութեան, քան զհինան մեծարոյս համարել, որպէս զերկաւրս մատաղս քան զծերացեալսն նախամեծար առնեմք։ Ովարանք որ անարժան են մարդոյ, զի ոչ եթէ ի բարեկամութենէն հանգոյն այլոց իրաց պարտիմք յազել։ Ամենայն ինչ՝ որ բազմաժամանակեայն է, իբրեւ զգինի հին քաղցրագոյն պարտի լինել, եւ արդարեւ ճշմարիտ է այն որ ասին, թէ Պարտ է բազում գրիւս աղի ճաշակել ի միասին, զի յոցի բարեկամութեանն պաշտօն։

Այլ զիւր նորս եթէ յոյս ինչ անկալութեան մատուցանիցեն, որպէս զի մարթ իցէ զնոցա պտուղն, որպէս ի տունկսն մրգաբերս, տեսանել՝ չէ պարտ մերժել, սակայն զհնութիւնն արժան է պահել յիւրում կայի։ Քանզի զօրութիւն կանխութեանն եւ ընդերութեան կարի մեծագոյն է։ Այլ վասն նորին իսկ երկարին՝ զորմէ այժմ յիշեցաք, եթէ չիցէ այլ ինչ արդել, չեք ոք որ ոչ այնու ընդ որ սովորեալն է, առաւել յօժարութեամբ պաշտիցի, քան նովաւ՝ որ թերաւարժն եւ տրմուղ իցէ. եւ ոչ միայն յայտմամբ որ շնչաւորն է, այլ եւ յանշունչսն եւս բազում զօրութիւն սովորութիւնն ունի. զի եւ ի լեռնային եւ յանառաւսիտ վայրս, յորս երկայնաձիգ ժամանակս դադարեալ իցեմք, ուրախ լինիմք։

Սակայն կարի իսկ մեծ է ի բարեկամութեանն՝ աւագին հաւասար կրօնեոյն լինել։ Քանզի բազում անգամ մեծամեծ առաւելութիւնք յուրուք վերայ գտանին, որպիսի ոք Սկիպիոնն, զի այսպէս ասացից, ի մերում ժողովն էր։ Ոչ քան զՓիլոս եւ զՍուպիլոս եւ կամ զՄուսիոս եւ քան զԽոնարհագոյն եւ զապաժաման բարեկամս առաւել զանձն համարէր։ Աս եւ զՍ. Մաքսիմոս զիւր եղբայր, զայր ազնիւ, որ չէր ինչ իւրից հաւասար նմին, այլ քանզի երէց էր տիովքն, իբրեւ զաւագ պաշտէր, եւ կամէր թէ իւրքն ամենայն աւագագոյնք քան զինքն լինիցին։

Որում պարտ եւ պատշաճ է ամենեցուն նմանողս իսկ լինել եւ զնոյն առնել. զի եթէ զառաւելութիւն

առաքինութեան եւ զհանձարոյ եւ զբախտի ունիցի որ, եւ զիւրսն եւս նոցին բաժանակիցս արասցէ եւ մերձաւորացն եւս հաղորդեսցէ. զի թէ անարգք եւ աննշանաւորք նոցա ծնանելիքն իցեն եւ կամ եթէ ազգատոհմն նոցա տկար իցէ կամ թափուր ի ստացուածոց, զսոցա արարսն յաւելուցուն, եւ զնոսա ի փառաւորութիւնս եւ յաւազութիւն հասուցանիցեն. որպէս յառասպելն եւ ի գուսանական խաղսն կայ, թէ որ երբեմն վասն անտեղեակ իւրեանց ցեղին եւ ազգատոհմին լինելոյ, ի ստրկութեան կացին, իբրեւ յայտ եղեն եթէ կամ դիւցալունք եւ կամ արքայորդիք իցեն, եւ յայնժամ եւս առ հովիւն՝ զորս բազում ամս առ հարս ունէին, պահեցին զլնդերական խնաման¹⁶. որչափ եւս առաւել պարտ եւ պատշաճ իցէ առ ճշմարիտ եւ առ ստոյգ հարսն առնել: Քանզի շահ մեծաշահ հանձարոյ եւ առաքինութեանց եւ ամենայն առաւելութեանց յայնժամ մանաւանդ կթիցի, յորժամ եւ ընկերն եւս բազորդ եւ բաժանորդ նոցին լնիցի:



Այլ որպէս նոցա՝ որ ի բարեկամութեանն եւ յազգականութեան աւազադոյնք իցեն, հարկ է ընդ խոնարհադոյնսն զուգական լնել, նոյնպէս եւ սոցա չէ արժան տրտմել, յորժամ զբարեկամն կամ հանձարով, կամ արարովք եւ կամ պատուովք քան զանձինս վերագոյն տեսանիցեն: Յորոց բազումք կամ ցանգ տրանջն եւ քրթմնջն, եւ կամ յանդիմանութեամբ յերեսս հարկանիցեն, մանաւանդ յայնժամ, յորժամ համարիցին թէ ունիցին ինչ՝ զորմէ կարիցեն ասել թէ վասն արբանեկութեան եւ վասն բարեկամութեան, իւրեանց վաստակովքն արարին նոցա: Արդարեւ արժանի դսրովանաց են, որ ցանգ զիւրեանց արբանեկութիւնն յիշեցուցանիցեն. քանզի ի դէպ է զի նա՝ որում արարաւն, եւ ոչ որ արարն զերախտին, յուշ ածիցէ:


Արդ որպէս աւազացն հարկ ի վերայ կայ խոնարհել եւ զեջանել ի բարեկամութեան, նոյնպէս եւ կրտսեւրացն սակաւիկ մի ինչ վերացեալ բարձրանալ: Քանզի

ումանք տաղտուկ զբարեկամութիւնն գործեն, այնու զի կարծեն իմն եթէ խոտեալ անարգին. որ այնմ միայն զիպիցի՝ որ արժանի արհամարհանաց զանձն հաշուիցի։ Օսոսա ոչ միայն բանիւք, այլ եւ արդեամբք իսկ պարտ եւ պատշաճ է յայսպիսի կարծեաց զերծուցանել։

Նախ՝ այնչափ ինչ արբանեկութիւն իւրաքանչիւր ումեք արժան է մատուցանել, որչափ ձեռնհասն իցես։ Արկրորդ անգամ, որչափ նա՝ զոր սիրեսն, որում եւ օգնականն լինիս, տանել մարթայցէ։ Քանզի չես առտակ, թէպէտ եւ կարի ոք հոյակապ իցես, զամենայն բարեկամս քո ի մեծութիւնս եւ ի փառաւորութիւնս հասուցանել. որպէս եւ Ակիպիոն, թէպէտ եւ կարաց զՊ. Ռուտիղիոս ի բարձ բղեշխութեան մատուցանել, չեղեւ ձեռնհաս զՂ. ուկիոս զնորին եղբայր յայն պատիւ ամբառնալ։ Աւ եթէ կարող եւս իցես առնել ինչ ումեք, սակայն պարտ է ուշ ունել թէ զինչ ինչ նա կարիցէ տանել։ Յայնժամ պարտ եւ պատշաճ է զբարեկամութեանցն դատաստան առնել, յորժամ հասակքն զարգանայցեն եւ միտքն հաստատեալ պնդիցին։ Նա եւ ոչ հարկ ինչ ի վերայ կայ նոցա՝ որ ի տիս մանկութեան որսոց եւ գնդաց պարապէին, զայնոսիկ՝ զորս վասն ճարտար յիշսս այսոսիկ լինելոյ սիրէին, ի համար իւրեանց կարեւոր բարեկամացն խառնել։ Քանզի այսպիսի ինչ խնամն եւ դայեակքն եւ դաստիարակք վասն կանխութեան իրաւանց պահանջիցեն, զորս չէ պարտ անտես առնել, այլ այլով իմն օրինակաւ պաշտել։ Ապա թէ ոչ, չէ մարթ բարեկամութեանն կալ մնալ հաստատուն։ Քանզի աննման բարուցն՝ յօժարութիւնք աննմանք են, որոց աննմանութիւն քակէ զբարեկամութեանն միտքանութիւն. եւ ոչ այլ ինչ պատճառք իցեն, որոց վասն լաւք յուռեացն եւ յողիք լաւաց բարեկամ լինել չկարիցեն, այլ սոյն այս միայն զի ընդ նոցա բարսն եւ ընդ յօժարութիւն բազում խտրոց եւ անջրպետութիւն ի միջի կայ։

Արի իսկ յիրաւի մարթ է զայս ինչ օրէնս կարգել վասն բարեկամութեանն, զի մի անչափ խնամքն՝ որ բազում անգամ եւ յաճախագոյնս լինին, խափանիչ մեծաշահ օգտութեանց բարեկամացն լինիցին։ Քանզի եւ ոչ, զի յառապելն դարձայց, Ահպատղեմ¹⁷ զՏրովա

ցւոց քաղաքն կարէր առնուլ, եթէ 'Վիւհոմեգեայ' առ որում վարժեալն եւ հրահանգեալ էր, կամէր անսալ, որ բազում արտասուօք զնա կամէր արգելուլ¹⁸: Աւ բազում անգամ վասն մեծամեծ ինչ իրաց արժան է ի բարեկամէն ի բաց գնալ. զոր եթէ անտես առնել որ կամիցի, այնու զի անձուկ բարեկամին ոչ այնպէս դիւրաւ թողացուցանէ, այնպիսին ի բնէ իսկ տկար է եւ մեղկ, եւ վասն այնորիկ իսկ չէ պատշաճ ի բարեկամութիւն: Այլ յամենայնի պարտ է եւ զայն զոր ի բարեկամէն խնդրիցես, եւ զոր կամիցիսն թէ նա ի քէն խնդրիցէ, ածել զմտաւ:



Երբեմն աղէտք անհնարինք ի վերայ հասեալ մեր բուն լինին մեղ զբարեկամութիւնն ի բաց թողուլ. (քանզի յիմաստնոցն ընտանութենէ ի հասարակաց բարեկամութիւն զբանս դարձուցանեմ): Չարիք բարեկամացն բազում անգամ եւ ի նոսին եւ յայլն եւս երեւին, բայց սակայն ծանականք նոցին ի բարեկամ անդր ընթանան: Ամին իրի իսկ զայսպիսի բարեկամութիւնս պարտ եւ պատշաճ է լուծանել եւ դուն ուրեք զնոսին ի կիր արկանել. բայց սակայն, որպէս Աստոն ասէր, ոչ վաղվաղակի եւ արագ արագ արժան իցէ խզել եւ ի բաց ընկենուլ, այլ որպէս զհանդերձն որ քակիցէ, այնպէս մեղմով իմն եւ առ սակաւ սակաւ լուծանել զբարեկամութիւնն, եթէ ոչ անհնարին ինչ ապիրատութիւն գիպեալ իցէ, որպէս զի չիցէ ի դէպ եւ վայելուչ, մանաւանդ թէ եւ ոչ հնարաւոր ինչ չթողուլ զայն վաղվաղակի:


Իսկ եթէ բարք եւ յօժարութիւն բարեկամացն փոփոխեալ ինչ իցեն, որպէս բազում անգամ եւ յաճախաւ գոյնս զխալիցի, եւ կամ յընկերհաշտութեան իրս բաժին եւ չմիաբանութիւն կայցէ, (քանզի որպէս եւ ասացին իսկ, ոչ զիմաստնոցն ինչ, այլ զհասարակաց բարեկամութենէ խօսիցիմ,) յայնժամ բազում զգուշութեան պէտք են, զի մի յորժամ բարեկամութիւնն լուծանիցի, յանհնարին թշնամութիւն դառնայցէ: Քան-

զի չեք ինչ քան զայն ամօթոյ եւ ծանակութեան, յոր-
ժամ ընդ նմա՝ ընդ որում բազում ընդելական սիրով
կեցեալ իցես, առնիցես մարտ պատերազմի: Ի բարե-
կամութենէ Առ. Պոմպէի վասն իմ մեկնեցաւ Սկի-
պիոն, որպէս դուք խկ ինքնին գիտէք. այլ վասն չմիա-
բանութեանն՝ որ յընկերհաշտութեանն էր, եւ ի Սեռե-
ղեայ եւս՝ ի մերմէ ընկերէն հեռանայր: Օճրկոսին եւս
բազում զգօնութեամբ զործեաց, ճոխութեամբն եւ ոչ
սաստիկ ինչ դառնութեամբ ոգւոյ:

Վասն որոյ պարտ եւ պտուղաճ է նախ փոյթ յան-
ձին ունել, զի մի չմիաբանութիւն ինչ ի բարեկամացն
միջն լինիցի. եւ եթէ սոյնպիսի ինչ գիպիցի, շեջեալ
միայն բարեկամութիւն, եւ ոչ եթէ բնաւին ջնջեալ
թուիցի: Եւ այնմ եւս արժան է ուշ ունել, զի մի յան-
հնարին թշնամութիւնս բարեկամութիւնք փոխեցին,
յորոց կուրք եւ անէծք եւ թշնամանք ծնանիցին: Եթէ
թեթեւադոյն ինչ թշնամանքն իցեն, հարկ է այնմ տա-
նել, վասն մեծարանաց առաջին բարեկամութեանն. որ-
պէս զի նա՝ որ զթշնամանսն ածէ, եւ ոչ որ զայն կրի-
ցեն, պարտաւոր գտանիցի: Ըմենայն չարեացս այսոցիկ
եւ տառապանաց այս միայն զգուշութիւն է եւ սոյն դար-
ման, մի վաղվազակի եւ խառն ի խուռն զոք սիրել, եւ
մի զչարժանաւորն սիրել:

Այլ արժանաւորք բարեկամութեան նորա են՝ որ
զպատճառսն՝ որ վասն սիրիցիներն, բովանդակեալ ունի-
ցին: Երգարեւ այսպիսի ինչ սէր դուն ուրեք գտանիցի:
Օճի ամենայն ինչ որ երեւելին եւ պայծառադոյնէ, դուն
եւ անօտր եւս իցէ. եւ չեք ինչ դժուարին քան զգտա-
նել այնպիսի ինչ՝ որ կատարեալ ամենեւին յիւրում աղ-
գի իցէ: Սակայն բազումք եւ ի մարդկեղէն իրս զայն
միայն լաւ համարին, որ շահաւէտն եւ արդիւնաշատ
իցէ. եւ ի բարեկամացն՝ զնոսին առաւել սիրեն, որպէս
ընդ անասունսն առնեն, յորոց յուսացեալ ակն ունին
եթէ բազում օգտութիւնս գտանիցեն: Եւ այնպէս չու-
նին զայն գեղեցիկ եւ զընտարոյս բարեկամութիւն՝ զոր
վասն նորին լաւութեանն արժան է խնդրել. եւ ոչ
յիւրեանց անձանց կարեն առնուլ ի միտ, թէ քանիօն
եւ որպիսի զօրութիւն այնր բարեկամութեան իցէ:

Քանզի ոչ վասն այնորիկ ինչ իւրաքանչիւր որ զիւր անձնն սիրէ, զի փոխարէնս յանձնէ իւրմէ վասն իւրոյ սիրոյն պահանջիցէ, այլ զի ի բնէ իսկ իւրաքանչիւր որ իւրում անձինն սիրելի է: Աթէ ոչ եւ բարեկամն եւս սոյնպիսի ինչ սիրով սիրիցի, չգտանի ուրեք բարեկամ ճշմարիտ: Օ՛ի է իսկ նա իբրեւ երկրորդ որ նոյն: Աւ եթէ եւ յանասունս եւս սոյնպիսի սէր երեւիցի, որպէս ի Թռչունն եւ ի զեռուն զօղակս, ի մարդընդել եւ ի վայրենի գաղանս, որ նախ զանձինս սիրեն, քանզի ամեւ նայն շնչաւորք այսպիսի բարս ընդաբոյսս բարոյածինս ունին. երկրորդ անգամ զի խնդրեն եւ ցանկան յարել ի մի յիւրեանց ազգէն եւ ի նմանւոյ, զոր եւ բազում յօժարութեամբ առնեն, նմանեալք իմն սիրոյ մարդկան. որչափ եւս առաւել ի դէպ եւ պատշաճ իցէ զի եւ մարդիկ այսպիսի ինչ բարս ունիցին, որ անձամբ զանձինս սիրեն եւ խնդրեն եւս զայլ որ՝ ընդ որում այնպէս զօգեալք խառնիցին, որպէս զի յերկուցն մի ինչ յօրինեալ կազմիցի:



Այլ բազումք եւս իմն անպատեհս, չասացից անամօթադոյնս, այնպիսի բարեկամս ցանկան ունել, որպիսիք որ ինքեանք չկարիցեն լինել. զոր բարեկամացն չտայցեն ինչ, զայն ի նոցանէ առնուլ ցանկան. այլ պարտ եւ պատշաճ է զի նախ ինքն լաւ եւ առաքինի լինիցի, եւ յայնժամ ապա իւրոց նմանեացն ելանիցէ ի խնդիր: Յայսպիսեաց միջի արդի ճառեալ պնդութիւն բարեկամութեան մարթի հաստատել. յորժամ բարեսէր մտօք գիրկընդխառն ընդ միմեանս մարդիկն լինիցին, եւ նախ ցանկութեանցն՝ որոց այլք ի հարկի կան, գեր ի վերոյ լինիցին. երկրորդ անգամ՝ յիրաւունս եւ յարգարութեան վայելիցեն, եւ զամենայն ինչ վասն միմեանց յանձն առնուցուն, եւ զվայելուչսն եւ զուղիղս եւեթ յիրերաց խնդրիցեն, եւ ոչ միայն պաշտիցեն եւ սիրիցեն զմիմեանս, այլ եւ բազում պատկառանք մեծարիցեն: Քանզի զբազմապայծառ զարդ վայելութեան բարեկամութեանն բառնայ, որ զպատկառանս ի նմանէ ի բաց

բառնայցէ : Ասան որոյ կարի վնասակար նոցա մոլորութիւնն է, որ կարծիցեն թէ համարձակ իցէ նոցա ի բարեկամութեան զամենայն չարիս եւ զանօրէնութիւնս անխտիր գործել : Անդատին ի բնութենէ շնորհեալ է բարեկամութիւն օգնական եւ զօրակիզն առաքինութեան, եւ ոչ եթէ ընկեր եւ զովողակից չարութեան . զի որովհետեւ չէ կարող առաքինութիւն միայն առանձինն, այնոցիկ՝ որ բարձրագոյնքն եւ մեծամեծք իցեն՝ հասանել, միացեալ եւ միաբանեալ ընդ այլում՝ հասանիցէ . եւ եթէ կայցէ ինչ այսպիսի միաբանութիւն յոմանց միջի, եւ կամ լեալ երբեք իցէ, եւ կամ թէ լինիցի, կարի ազնուագոյն եւ երանելի եւ քան զամենայն ինչ օգտակարագոյն մարդիկէն բնութեան զայն համարել է :

Սոյն այս միաբանութիւն է՝ որ զամենայն ինչ բովանդակեալ ունիցի, զոր մարդիկ արժանի ցանկանալոյ հաշուիցին, զվայելութենէ ասեմ եւ զվառաց, եւ զոգւոցն հանդարտութենէ եւ զքաղցրութենէ . զի յորժամ սոքա մօտ իցեն, երանելի են կեանք, եւ առանց սոցա չկարեն լինել այնպիսիք : Աւ քանզի այն կարի մեծ եւ քան զամենայն ինչ ազնուագոյն է, եթէ հասանել այնմ կամիցիմք, պարտ է առաքինութեանցն պատկառ կալ . զի առանց այնր ոչ զբարեկամութիւնն, եւ ոչ այլ ինչ՝ որում ցանկանայցեմք, կարեմք ստանալ : Իսկ եթէ զառաքինութեամբ որ անփոյթ արարեալ անցանիցէ, եւ համարիցի թէ ունիցի բարեկամս, յայնժամ ի միտ առեալ ծանիցէ, թէ վրիպեալ է, յորժամ անհնարին ինչ դիպօք բռնագատիցի զփորձ առնուլ :


Յայն սակս (քանզի յաճախագոյնս պարտ է երկրորդել) ի դէպ եւ պատշաճ է նախ քաջ դատել եւ ապա սիրել, եւ ոչ յետ սիրելոյն դատաստան առնել : Այլ որպէս ի բազում իրս անհոգութեամբ կրեմք պատիժս, նոյնպէս առաւել եւս յընտրելն զբարեկամս եւ ի մեծարել : Քանզի թեւր իմն եւ խոտորնակ խորհրդովք վարիմք, եւ ընդունայնաջան լինիմք . զոր արդելու մեղհին առաւին : Օ՛ի շաղկալք պատեալք աստի եւ անտի բազմաժամանակեայ ընտանութեամբ կամ երախտօք, յորժամ դժկամակութիւն ինչ հասանիցէ մեղ կրել, անդէն վաղվաղակի զբարեկամութիւնն լուծանեմք :

Դմին իրի որչափ մեծ եւ կարեւոր իրքն իցեն, նոյն-
չափ եպերելն նոցին անհոգութիւն է: Քանզի յիւս
մարդկեղէնս մի միայն է բարեկամութիւն, զորմէ ամենե-
քին վկայեն եթէ բազում պիտանութիւն եւ օգուտս
ունի: Բազումք զառաքինութիւն դարովն եւ ցոյցս
իմն եւ պարծանս համարին. եւ կէսք զմեծութիւն ան-
գոսնեն, որոց՝ քանզի սակաւութն շատանան, լոկ եւ ան-
հանդերձ կերակուրք եւ դոյզն սպապ բաւական են:
Նա եւ զպատիւն եւս՝ որոց ոմանք անհնարին տենջա-
նօք վառեալ ցանկանան, բազումք այնպէս իմն խոտեն
եւ անարգեն, զի քան զամենայն ինչ ընդունայն եւ չնչե-
նադոյն զայն համարին. սոյնդունակ եւ զայլ եւս ազգի
ազգի իրս՝ որ ոմանց պանչելի եւ զարմանալի թուիցին,
բազումք են որ առ ոչինչ գրեն: Բայց սակայն զբա-
րեկամութենէ ամենեքին իսկ զնոյն ինչ կարծիս ի մօի
ունին. եւ նոքա որ միջամուկք յընկերհաշտութիւնն
իցեն, եւ նոքին որ ազգի ազգի տեղեկութեանց եւ
հրահանգաց պարապիցեն. նաեւ նոքին՝ որոց գերծեալ
ի բազմութիւնն զբօսանաց՝ զերեանց իրս վճարիցեն.
դարձեալ եւ նոքա եւս՝ որ անձնատուրք ի փափկու-
թիւնս իցեն, համարին իմն եթէ չեցեն ինչ կեանք ա-
ռանց բարեկամութեան, թէ միայն կամիցին ազատու-
թեամբ կեանս կեալ: Քանզի չգիտեմ զեւրդ սպրդեալ
մտանէ բարեկամութիւն ի վարս ամենայն մարդկան, եւ
չառնու յանձն թէ չափ ինչ հասակաց անմասն ի նմա-
նէ գտանիցի:

Թէպէտ եւ յայնպիսի ինչ դաժանութիւն եւ յա-
նադորունութիւն հասեալ իցէ ոք, զի ի մարդկանէ փախ-
չիցի եւ զնոսին խոտիցէ, որպէս զՏիմոնէ¹⁹ ումեմնէ ա-
սեն՝ թէ այսպիսի ոք լեալ իցէ յԱթենացւոց քաղաքի,
բայց սակայն չէ նմա հնար չինդրել զոք, որում
զժանկաբեր թոյնս իւրոյ դաժանութեանն ի բաց թա-
փիցէ: Այլ յայնժամ աւելադոյն կարիցեմք խելա-
մուտ այսմ լինել, եթէ զմի ոք ի մէջ՝ ի բազմամբոյս
բազմութենէ անտի մարդկան դիքն ի բաց բառնայցեն,
եւ եղեալ յառանձինն ինչ վայրի, շնորհիցեն նմա

անդէն զլիութիւն եւ զյաճախութիւն ամենայնի՝ որոց մարդիկն ցանկանան, բայց միայն չտացեն թոյլ յիւրոց նմանեացն զոր տեսանել: Եւ որ այնպէս խիստ եւ երկաթի իցէ, որ կարիցէ այնմ կենաց ժողովուն. ոչ ապաքէն զվայելութիւն ամենայն փափկութեանց հանցէ ի նմանէ միայնութիւնն:

Եւր ճշմարիտ է այն՝ զոր Աբբիտ Տարենտացի²⁰, որպէս ինձն թուի, սովոր էր ասել, զոր եւ մեր ծերքն յիշատակէին յայլոց ծերոց ուսեալք: Այլ է որ վերացեալ բարձրացեալ ի բարձրաբերձ բարձունս երկնից, պշուցեալ նայեր ընդ բնութիւնս աշխարհի եւ զմեծապայծառ վայելութիւն աստեղացն նշմարէր, թերեւս չլինէին ինչ նմա քաղցր եւ հեշտական ամենայն զարմանալիքն. իսկ եթէ էր որ ի միջի՝ որում զայն պատմէր, կարի քաղցրագոյն լինէր: Այսպէս բնութիւնն չախորժէ զմիայնութիւն, եւ ցանդ իբրեւ ի նեցուկ ինչ առ այլ որ յենու, որ ի կարի մտերիմ բարեկամն կարի հեշտական է:




Այլ թէպէտ եւ այնչափ նշանօք յայտ առնէ բնութիւն զոր կամիցին եւ խնդրիցէ եւ ցանկանայցէ, սակայն չգիտեմ զիարդ խլանամք եւ զլսելին խնուցումք, եւ յորժամ ի նմանէն խրատիցիմք՝ չլսեմք յօժարութեամբ: Քանզի բազմաստիկ եւ բիւրազի է բարեկամութեանն պիտանութիւն, եւ բազում պատճառք կասկածանաց եւ դառնութեան ընծայանան, յորոց փախչել եւ զնոսին ի բաց բառնալ եւ նոցին տանել զործ իմաստութեան է: Բայց սակայն պարտ եւ պատշաճ է զայն դառնութիւն բառնալ ի միջոյ, զի ճշմարտութիւն եւ հաւատարմութիւն կայցեն մնայցեն ի բարեկամութեանն: Քանզի բազում անգամ հարկ ի վերայ կայ խրատել զբարեկամն եւ կշտամբել. եւ նմա արժան է առնուլ յանձն բարեկամութեամբ, յորժամ բարեսէր մտօք լինիցի: Այլ չգիտեմ զիարդ ճշմարիտ իցէ այն՝ զոր ընտանի բարեկամն իմ՝ ի խաղուն անդ Անդրիացւոյն²¹ ասաց.

ԱՐԲԱՆԵԿՈՒԹԻՒՆ՝ ԲԱՐԵԿԱՄՍ ԵՒ ՃՇՄԱՐՏՈՒԹԻՒՆ
ԱՏԵԼՈՒԹԻՒՆՍ ԾՆԱՆԻ:

Ճանրատաղտուկ եւ դժնդակ է ճշմարտութիւն՝ եթէ ատելութիւն ի նմանէ ծնանիցի, որ թոյն դառնաթոյն է բարեկամութեան. այլ մեծարանք առաւել եւս դժնդակագոյնք են՝ որ յանցանացն ներկցեն, եւ տացեն թոյլ բարեկամացն դաճալէժ դարաճոս լինել: Այլ քան զամենայն յանցանս մեծագոյն նորա յանցանքն են՝ որ զճրշմարտութիւնն անդոսնիցէ, եւ մեծարանօք ի չար անդր դլորիցի: Եւ արդ պարտ եւ պատշաճ է բազում փոյթ յանձին ունել, նախ զի մի ծանր եւ տաղտկալի խրատքն լինիցին. երկրորդ անգամ՝ զի յանդիմանութիւնքն առանց թշնամանաց իցեն. իսկ ի մեծարանսն (քանզի Տերենտեայ բանիւքն յօժարագոյն պաշտիմք) հեղ եւ համբոյր բարք մօտ կայցեն, եւ սուտակասպասութիւն՝ որ օգնական եւ ձեռնտու է համօրէն չարեաց, ի բացեայ եւ մեկուսի. զի այն՝ ոչ բարեկամի միայն, այլ եւ ոչ աղատի ումեք արժանաւոր եւ վայելուչ է: Քանզի այլադդ ընդ բռնաւորի եւ այլադուռակ ընդ բարեկամի կեանս վարեմք:

Բայց որոց լսելիքն փակեալ ճշմարտութեանն իցեն, եւ չկարիցեն ի բարեկամէն զճշմարտն լսել, պարտ է զնոցա փրկութենէն հատանել զոյս: Քանզի ի մէջ յաճախագոյն բանից Աստուծոյ եւ այս եւս կարգեալ կայ թէ թշնամիք անագորոյնք, քան զայնս ի բարեկամաց որ քաղցրագոյնքն երեւիցին, աւելագոյն երախտիս գործեն. զի նոքա ցանդ զճշմարտն ասեն, իսկ սոքա՝ եւ ոչ ուրեք: Եւ եւս իմն անպատեհագոյն այն է, զի որ խրատիցինն՝ ընդ այն որ տաղտուկն իցէ, չտաղտկանան, եւ որ չիցէն տաղտկալի, ընդ այն կարի տաղտկանան: Չնեղին ինչ եւ չտառապին վասն յանցանացն զոր յանցանեն, այլ յորժամ կշտամբիցին, վաղվաղակի ըմբոստանան եւ դժկամակ եւս լինիցին. որոց պարտ եւ պատշաճ էր ընդ յանցանսն տրտմել եւ տխրել, եւ ընդ յանդիմանութիւնսն ուրախ լինել:




Եւ արդ որպէս ճշմարիտ բարեկամաց է զմիմեանս խրատել, եւ միումն համարձակութեամբ եւ առանց ինչ խիստ եւ դառն բանից զայն առնել, եւ միւսումն մտազիւրութեամբ ընդունել, եւ ոչ զիմադարձ ինչ եւ բան ընդդէմ լինելով, սոյնդունակ պարտ եւ պատշաճ է համարել այնպէս, թէ ի բարեկամութեան չիցէ ինչ ախտ ժանտագոյն քան զսուտակասպասութիւն եւ զփաղաքշանս եւ զողորմանս. թէպէտ եւ բեւր եւ ազգի ազգի անուամբ պարտ էր յայտ առնել զայս բիծ թեթեւամիտ եւ խաբեբայ մարդկան, որ զամենայն ինչ ըստ կամաց եւ ոչ ըստ ճշմարտութեան խօսիցին: Եւ որպէս ամենայն իրաց կեղծիք կարի վատթարագոյն է, քանզի կամակորէ իմն զճշմարտութիւնն եւ չտայ թոյլ այնմ խելամուտ լինել, սոյնպէս եւ ընդ բարեկամութեանն սաստիկ կռուի. զի ջնջէ իմն եւ ի բաց կորուսանէ զճշմարտութիւն, առանց որոյ անուն բարեկամութեանն չունի ինչ զօրութիւն: Օհ եթէ բարեկամութեանն զօրութիւն յայն հաստատեալ իցէ, զի ի բազում ոգւոց մի ոգի եւեթ կազմիցի, զկարգ մարթ իցէ այնմ լինել, եթէ եւ ոչ ի միումն ցանդ եւ միշտ մի ոգի եւեթ գտանիցի, այլ պէսպէս եւ փոփոխական, մանաւանդ թէ եւ բազմապատիկ իսկ:

Քանզի զինչ ինչ յեղձեղուն եւ խոտորնակ քան զողբի այնր կայցէ, որ ոչ ըստ մտաց միայն այլ եւ ըստ դիմաց եւ ըստ ակնարկելոյ այլոց շրջըրջիցի:

ՈՒՐԱՆԱՅՅԷ ՈՔ, ՈՒՐԱՆԱՄ. ԱՍԻՑԷ ԱՅՈ, ԱՍԵՄ ԵՒ ԵՍ.
ՔԱՆԶԻ ԶԱՅՍ ԻՆԶ ԵԴԻ Ի ՄՏԻ ԻՄՈՒՄ
ԱՄԵՆԱՅՆԻ ՈՂՈՔԱՆՕՔ ՀԱՒԱՆԵԼ.

որպէս նոյն Տերենտիոս ասաց, այլ առեալ զերեսս Վնաթոնի: Օայսպիսի բարեկամութիւն ի կիր արկանել առնենելն թեթեւութեան է: Իսկ եթէ բազումք Վնաթոնի նմանագոյնք իցեն, աստիճանօքն եւ բախտիւ եւ համբաւով բարձրագոյնք, այնպիսեացն սուտակասպասութիւն կարի դժնդակագոյն է, այնու զի եւ ճոխութիւն եւս յընդունայնութիւնն յաւելուն: Եւ այց սակայն մարթ

իսկ է այնպէս զսուտակասպաս բարեկամն ջանիւք եւ հոգաբարձութեամբ ի ճշմարտէն ընտրել, որպէս զայլ ամենայն իրս պաճուճեալս ընտրիցեմք: Աւ տխմարաց եւս եւ տգիտաց կարի դիւրին է ընտրել եւ կալ ի վերայ թէ որչափ ինչ ընդհատ իցէ դռեհիկն, այսինքն թեթեւամիտն եւ սուտակասպաս, ի հաստատունոյն եւ ի հաւատարմէն, եւ յայնմանէ՝ որ զճշմարտն խօսիցի: Որպիսի բանս ողորքս բարբառէր սակաւիկ մի յառաջագոյն Ա. Պապիրիոս բղեշխ ի լսելիս ժողովուրդեանն, յորժամ կամէրն օրէնս դնել վասն զռամկապետութիւնն միւսանդամ հաստատելոյ. հաւանեցուցաք զժողովուրդն չլինել ձեռնամուռ յայնպիսի ինչ: Այլ չստացից ինչ զանձնէ, իսկ զԱրիպիոնեայ խօսեցայց կամակարագոյնս. որչափ ինչ նորա ցածութիւնն էր, որպիսի շքեղութիւն ի բանսն, որպէս զի զօրաւար աղդին Հռոմոց մանաւանդ եւ ոչ ընկեր եւ քաղաքացի ասէր որ: Այլ դուք իսկ անդէն մօտ էիք, եւ ճառքն առ ձեռս կան: Այսպէս օրէնք ժողովուրդեան՝ ժողովուրդեան վճռովքն մերժեցան: Այլ դարձայց եւ առ իս. յիշէք իսկ եթէ ի բղեշխութեան Ա. Սաքսիմեայ եղբօր Արիպիոնի եւ Ղ. Սանկիւնեայ, որչափ ինչ հաճոյ ուսակին լինէին օրէնք Ա. Ղիկինեայ Արասեայ, զոր վասն քրմութեան կարգէր. քանզի ընտրութիւն ընկերաց քրմացն յիշխանութիւն ժողովուրդեանն ապաստան լինէր: Սոյն այս այր նախ սկիզբն առնէր դառնալոյ ի ժողովուրդն կոյս յորժամ հրապարակախօսն լինէր: Բայց սակայն զնորա հաճոյական բանսն՝ կրօնք դիցն անմահից դիւրեաւ իմն յաղթէին մերով պաշտպանութեամբ: Աւ այն յիմում հազարապետութեան գործեցաւ, հինգամեայ ժամանակօք յառաջագոյն քան զժամանակս իմոյ բղեշխութեան: Ամին իրի իսկ՝ առաւել արդեամբք քան իմով ինչ ճոխութեամբ գտին իրքն պաշտպանութիւն:



Եթէ ի տեսիլս թատերց, այս ինքն ի ժողովս ժողովորոց, ուր բազում տեղեր կցկցեալք եւ ստուերականք են, եւ ճշմարտութիւն եւս զիւր զօրութիւն ունիցի, յորժամ յայտնիցին եւ մեկնիցի, զինչ ի բարեկամութեանն արժան իցէ լինել, որ ամենեւին իսկ եւ բնաւին ի կշիռս ճշմարտութեանն կշռի. յորում, որպէս ասենն, եթէ ոչ բաց զսիրտն գտանիցես, եւ զքո եւս ցուցանիցես, չգտանիցի ինչ հաւատարիմ եւ ոչ ստոյգ ինչ եւ հաստատուն. չկարիցես սիրել զքեւ եւ ոչ սիրել ի ումք լինել. քանզի չես ինչ տեղեակ թէ որչափ ինչ ճշմարտութեամբ այն լինիցի: Սուտակասպասութիւնն թէպէտ եւ վնասակար իցէ, չկարէ մեղանչել ումք բայց այնմ՝ որ զայն բնութենիցի, եւ նովին ուրախ լինիցի. որով յայտ է եթէ նա միայն մտադիւրադոյն լսիցէ մարդահաճոյիցն եւ սուտակասպասաց՝ որ զիւր անձնն սիրիցէ, եւ անձամբ զանձն կարի իմն զրդիցէ եւ գգուիցէ:


Արդարեւ սիրէ զանձն առաքինութիւն, քանզի կարի քաջ զանձն ճանաչէ, եւ գիտէ հաւաստեալ թէ որչափ ինչ սիրելի իցէ: Բայց ես ոչ եթէ զառաքինութենէ այժմ խօսիցիմ, այլ զկարծեաց առաքինութեանն, քանզի բազումք ոչ այնչափ առաքինաւորք ցանկան լինել, որչափ այնպիսիք երեւել: Օայսպիսին սուտակասպասութիւն ուրախ առնէ. որոց եթէ մատուցանիցին բանք ինչ պաճուճեալք, զանոտի ճառսն զայնոսիկ համարին վկայութիւն անձանցն գովութեան: Այդ չէ ինչ այն բարեկամութիւն, յորժամ մին չկամիցի զճշմարտան լսել, եւ մեւսն ի ստել կազմ կայցէ: Աս եւ ոչ ի ծաղր ինչ ածէին զմեզ ի տեսիլս խաղուց փաղաքշանք սեղանաբոյժ մարդկան, եթէ չգտանէր ի նոսին զօրական սնապարծ եւ անձնգով²²:

Ո՞՞՞ ԵՊԵՔԷՆ ԻԵՍՒ ԻՆՉ ԸՆՈՐՀԱԿԱԼՈՒԹԻՒՆ ԻՆՍՈՒՍՑԻ ԻՆՉ ԹԵՅԻՍ:

Հատ իսկ էր տալ պատասխանի, թէ արդարեւ շնորհակալութիւն մեծ մատուցէ, այլ նա անբաւս եւ անչափս ասէ: Աննապաղ աճեցուցեալ ստուարացուցանէ սուտակասպասն զայն ինչ՝ զոր նա՝ զորոյ զմիտսն կամիցի հաճել, կամի թէ մեծ իցէ:

Նմին իրի թէպէտ եւ այն հրապուրիչ ընդունայ-
նութիւն առ նոսա միայն մոտ գտանիցէ որ նմին կեր
արկանիցեն եւ զնոյն հրաւիրեալ կոչեցեն. բայց սակայն
եւ զհաստատունսն եւս պարտ է խրատել, այնմ իմն
ցանգ ուշ ունել, զի մի նենգաւոր սուտակասպասութիւն
յանկարծակի ի վերայ հասեալ զնոսին ըմբռնիցէ: Քան-
զի չեք որ չտեսանիցէ զյայտնի սուտակասպասն, բայց
նա միայն որ կարի որ թանձրամիտ իցէ: Այլ զի մի նեն-
գաւորն այն եւ խորամանկ գաղտ սպրդեալ մտանիցէ,
բազում զգուշութեան եւ յաճախադոյն փութոյ պէտք
են: Քանզի չէ ինչ դիւրին զայն ճանաչել. բազում ան-
գամ մինչ հակառակն կայցէ, ողորէ. եւ է ուրեք զի այն-
պէս իմն ցուցանէ թէ ընդ հակառակս մտեալ եւ ի կոխ
յարուցեալ իցէ. սակայն եւ այն դործ սուտակասպա-
սութեան է. յայն սակս վաղվազակի տայ ձեռս եւ առ-
նու յանձն զպարտութիւն. զի որ նորա փաղաքշանօքն
խարիցի, կարի կորովի մտօք զանձն համարիցի: Այլ զի
մի այն դիպիցի՝ պարտ եւ պատշաճ է ցանդ սկել եւ հա-
նապաղ զգոյշ լինել. որպէս եւ յԱպիկղերն կայ թէ
ՔԱԶ ԻՍԿ ԶԱՂ ԵՒ ԾԱՆԱԿ ԱՐԱՐԷՔ ԱՅՍՕՐ ԱՌԱԶԻ ԻՄ
ԶԱՄԵՆԱՅՆ ԳՈՒՍԱՆԱԿԱՆ ԾԵՐՍ ԱՆՄԻՏՍ:

Օ՛ի եւ յառասպելսն եւս քան զամենայն կերպա-
րանս անմտադոյն՝ կերպարանք ծերոց աղճատելոց եւ միա-
մտաց է: Այլ չգիտեմ զխարդ ի բարեկամութենէ արանց
կատարելոց, այս ինքն իմաստնոցն (զայնմ իմաստութե-
նէ ասեմ, որում մարդիկ կարիցեն հասանել) ի թեթե-
ւագոյն բարեկամութիւն ճառքս խոտորեցան: Թէ այն-
պէս իցէ, զարձցուք անդրէն ի մեր բանս, եւ զնոյն բո-
վանդակեսցուք:



Առաքինութիւնն, Փաննիոս եւ Սուկիոս, առաքի-
նութիւնն ինքնին ի գլխովին բարեկամութեանց սուխթ
լինի, եւ զնոսին պահէ. քանզի ի նմա իսկ է միաբա-
նութիւն ամենայն իրաց, ի նմին հաստատութիւն, ի նմին
անմեղկութիւն, որ յորժամ յայտ զանձն առնիցէ, եւ
զիւր մեծապայծառ լոյսն ցուցանիցէ, եւ յայլսն եւս զնոյն

Հայեցեալ տեսանիցէ, երթայ մօտ ի նա եւ ընդ նմին գիրքընդխառն լինի, որով նոցա սէրն եւ բարեկամութիւն վառեալ բորբոքի. քանզի եւ երկոքին եւս ի սիրելոյ անուանին: Իսկ սիրելն չէ այլ ինչ, բայց միայն խնամ ունել այնմ՝ զոր սիրեսն, առանց ինչ կարօտութեան եւ առանց օգտութիւնս խնդրելոյ: Սակայն եւ օգուտն եւս ի բարեկամութենէն ծաղկեալ բղետէ, թէպէտ եւ չիցես պնդեալ զնորին զհետ: Սոյնպիսի ինչ գլխով մեք ի մեւ լում պատանեկութեան զհինօրեայ ծերսն զայնոսիկ զՎ. Պաւղոս, զՎատոն Լէրէց, զՎ. Վաղղոս, զՎ. Նազնկա, եւ զՏի. Վրակքոս զաներ Ակիպիոնեայ, սիրեցաք: Եւ սոյն այս առաւել յայտնադոյն ի մէջ զուգականաց, որպէս յիմ եւ ի Ակիպիոնեայ, ի Ղ. Փուրիոսի եւ ի Պ. Ռուպիւղեայ եւ ի Սպ. Մումմիոսի միջի երեւիցի: Սոյնդունակ եւ մեք ծերքս պատանեացն սիրով ուրախ լինիմք. որպէս ձեր եւ Վ. Տուբերոնի սիրովն: Նոյնպէս եւ Վ. Հռուտիւղեայ պատանւոյ, եւ Ե. Վ իրդիւնեայ մանկան ընտանու թիւն կարի զիս ուրախ առնէ: Քանզի այս ինչ պայման է կենաց եւ բնութեան մերոյ, զի ազգի ազգի աիք հասակաց զմիմեանս յաջորդիցեն. այլ առաւել ցանկալի այն է, զի ընդ զուգականաց՝ ընդ որս զւոյսն տեսեր, եւ ի վախճան կենաց հասանիցես:

Եւ քանզի անկայականք եւ անհաստատականք են իրք մարդկօրէնք, պարտ եւ պատշաճ է մարդկան սէր ընդ միմեանս ունել: Օ՛ր ի բառնալ սիրոյ եւ խնամոց, ամենայն քաղցրութիւն ի կենաց մարդկան ջնջեալ կորուսեալ է: Թէպէտ եւ վաղ բարձաւ յինէն Ակիպիոն, սակայն կեայ, եւ ցանդ կեցէ. քանզի զնորա զառաքինութիւնն սիրեցի՝ որ շեջաւ իսկ ոչ: Այլ իմոց աչաց միայն առաջի կայ, որ միշտն նմա մօտ էի, այլ եւ յետնոցն եւս անուանի եւ բարենշան լինիցի: Չգտանիցի որ որ մեծամեծ ինչ իրս կամիցի վճարել, եւ չհամարիցի եթէ պարտ իցէ նմա զնորին յիշատակ եւ զպատկեր իւր առաջի գնել: Եւ զարեւ իսկ յազգի ազգի իրս՝ զորս բախտն եւ կամ բնութիւն ինձ ետուն, չեք ինչ զոր ընդ Ակիպիոնեայ բարեկամութեանն կարիցեմ կշռեալ համեմատել: Ի սմին վասն ընկերհաշտութեանն հաւանութիւն, ի սմին խորհուրդք զառանին իրաց, ի նմա բազում հան-

զիստա ուրախարարս դո՛ւրի: Աւ ոչ փոքու ինչ իւրիք, որ-
չափ յիշեմն, դժկամակ զնա արարի. չէ իմ լուեալ ի
նմանէ ինչ մի ի չախորժականացն: Սի տունն էր մեր եւ
կերակուր նոյն, եւ այն հասարակաց: Ոչ միայն ի զի-
նուորութեանն, այլ եւ ի պանդխտութիւնս եւ ի զբօ-
սանս շինից եւ ագարակաց ցանգ ի միասին էաք:

Այլ զի՛նչ զփութոյն յուսումն եւ ի ծանօթու-
թիւն ազգի ազգի իրաց ասիցեմ, յորում՝ հեռացեալ յա-
չաց ամբոխին, զընաւ ժամանակս մեր դատարկս անցու-
ցաք: Աթէ յուշարար յիշատակք իրացն այնոցիկ ընդ
նմին բարձեալ կորնչին, չկարէի ժոյժ ունել անձիոց առն
ընտանեոյ եւ ջերմաջերմն սիրելոյ: Բայց սակայն չեն
ինչ շեջեալ եւ կորուսեալ. մանաւանդ թէ աճեալ սնանին
ցանգորդն խորհրդովք եւ յիշատակօք: Աւ եթէ զըկեալ
եւս յայնցանէ գտանէի, սակայն բազում սփոփութիւն
հասակ ծերութեանն իմոյ ինձ մատուցանէր. քանզի չէ
ինձ մարթ բազում ժամանակս սովին անձկով անձկաբէկ
լինել: Իսկ որ ինչ սակաւ ժամանակեայն է, պարտի եւ հան-
դուրժական եւս լինել, թէպէտ եւ մեծ եւս իցէ:

Օայս ինչ զբարեկամութենէ կարէի ասել: Այլ
թեւադիր ձեզ լինիմ, զի այնպիսի մեծարոյ կարծիս զա-
ռաքինութենէ ունիցիք, քանզի բարեկամութեանն չէ
մարթ առանց նորա լինել, որպէս զի քան զնա այլ ինչ
չհամարիցիք պատուականագոյն քան զբարեկամութիւն:



12007

0024616

2013

